

杜工诗集



杜工部集

同治壬申六月致一

齋校孫玉高草堂本

1872

鄂城謙益堂初印本

杜集藁本不下數十百家箋釋注解言人人
殊矣余少嗜杜詩手鈔口誦恒以一編自隨
中年汨沒簿書有此事遂廢之感武林爲山
水勝地量移來此因病得閑稍理故業取舊
本之善者刊爲袖珍版勞人僕僕舟輿便行
篋也箋注概從刪削以少陵一生不爲鉤章
棘句以意逆志論世知人聚訟紛如蓋無取
焉

唱酬題詠附錄

登慈恩寺塔

高適

香界泯羣有浮圖豈諸相登臨駭孤高披拂
欣大壯言是羽翼生迴出虛空上頓疑身世
別乃覺形神在宮闕皆戶前山河盡簷向秋
風昨夜至秦塞多清曠千里何蒼蒼五陵鬱
相望盛時慚阮步末宦知周防輸效獨無因
茲焉可遊放

魯郡東石門送杜二甫 李白

醉別復幾日登臨遍池臺何言石門路

一作下

重有金尊開秋波落泗水海色明徂徠飛蓬
各自遠且盡手中杯

沙邱城下寄杜甫 李白

我來竟何事高臥沙邱城城邊有古樹日夕
連秋聲魯酒不可醉齊歌空復情思君若汶
水浩蕩寄南征

雜言寄杜拾遺

任華

杜拾遺名甫第二才甚奇任生與君別來已
多時何嘗一日不相思杜拾遺知不知昨日
有人誦得數篇黃絹詞吾怪奇異特借問果
然稱是杜二之所爲勢攫虎豹氣騰蛟螭滄
海無波似鼓蕩華嶽平地欲奔馳曹劉俯仰
慚大敵沈謝逡巡稱小兒昔在帝城中盛名
君一箇諸人見所作無不心膽破郎官叢裏

作狂歌丞相閣中嘗醉臥前年皇帝歸長安
承恩闊步青雲端積翠扈游花匝披香寓
直月團欒英才特達承天眷公卿無不相欽
羨只緣汲黯好直言遂使安仁却爲掾如今
避地錦城隅幕下英寮每日相就提玉壺半
酣起舞捋髭鬚乍低乍昂若無古人制禮
但爲防俗士豈得爲君設之乎而我不飛不
鳴亦何以只待朝廷有知己亦曾讀却無限

書拙詩一句兩句在人耳如今看之總無益
又不能崎嶇倚朝市且當事耕稼豈得便徒
爾南陽葛亮爲朋友東山謝安作鄰里閑常
把琴弄悶即攜尊起罵啼二月三月時花發
千山萬山裏此中幽曠無人知火急將書憑
驛吏爲報杜拾遺

使南海道長沙 侍御史唐 不扶

道林岳麓仲與昆卓犖請從先後論松根踏

雪二千步始見大屋開三門泉清或戲蛟龍
窟殿豁數盡高帆掀即今異鳥聲不斷聞道
看花春更繁從容一衲分若有蕭瑟兩鬢吾
能髡逢迎侯伯轉覺貴膜拜佛像心加尊稍
揖英皇頰濃淚試與屈賈招清魂荒唐大樹
悉柗桂細碎小草多蘭蓀沙彌去學五印字
靜女來懸千尺幡主人念我塵眼昏半夜號
令期至嗽遲回雖得上白舫羈紲不敢言綠

尊兩祠物色採拾盡壁間杜甫原少恩晚來
光彩更騰射筆鋒正健如可吞

和
湖南觀察使沈傅師

承明年老輒自論乞得湘守東南奔爲聞楚
國富山水青嶂邈迤僧家園含香珥筆皆耆
舊謙挹自忘臺省尊不令執簡候亭館直許
攜手遊山樊忽驚列岫晚來碧積雪洗盡烟
嵐昏碧波迴嶼三山轉丹檻遶郭千艘屯華

鑣蹠躐絢沙步大旆粲錯輝松門樛枝競鶩
龍蛇執折榦不沒風霆痕相重古殿倚巖腹
別引新徑縈雲根目傷平楚虞帝魂情多思
遠聊開尊危絃細管逐歌颺畫鼓繡靴隨節
翻鏘金七言凌老杜入木八瀟蟠高軒嗟予
絕倒久不和忍復感激論元元

道林

崔珏

臨湘之濱岳之麓西有松寺東岸無松風十

里擺不斷竹泉瀉入千僧廚宏梁大棟何足
貴山寺難有山泉俱四時惟夏不敢入燭龍
安敢停斯須遠公池上種何物碧羅扇底紅
鱗魚香閣朝鳴大法鼓天宮夜轉三乘書野
花市井栽不著山雞飲啄聲相呼金檻僧迴
步步影石盆水濺聯聯珠北臨高處日正午
舉手欲摸黃金烏遙江大船小于葉遠林雜
樹齊如蔬潭州城郭在何處東邊一片青模

糊長卿之問久冥冥五言七言夸規模我吟
杜詩清入骨灌頂何必須醍醐

岳麓道林

韋蟾

石門道接蒼梧野愁色陰深二妃寡廣殿崔
嵬萬壑間長廊詰曲千巖下靜聽林飛念佛
鳥細看壁畫馱經馬暖日斜明蟬竦梁溼烟
散羃鴛鴦瓦北方部落檀香塑西國文書貝
葉寫壞欄迸竹醉好題窄路垂藤困堪把沈

裴筆力鬪雄壯宋杜詞源兩風雅他方居士
來施齋彼岸上人投結夏悲我未離擾擾徒
勸我休學悠悠者何時得與劉遺民同入東
林白蓮社

杜甫同谷茅茨

唐咸通十
四載作

趙鴻

工部棲遲後鄰家大半無青羌迷道路白社
寄杯盃大雅何人繼全生此地孤孤雲飛鳥
什空勒舊山隅

栗亭

趙鴻

杜甫栗亭詩詩人多在口悠悠二甲子題紀
今何有

讀杜詩

杜牧

杜詩韓筆愁來讀似倩麻姑癢處搔天外鳳
皇誰得髓無人解合續絃膠

耒陽

羅隱

楚水悠悠浸耒亭楚南天地兩無情忍教孫

武重泉下不見詩人說用兵

耒陽杜工部祠堂

徐介

手接汨羅水天心知所存故教工部死來伴
大夫魂流落同千古風騷共一源消凝傷往
事斜日隱頽垣

調張籍

韓愈

李杜文章在光焰萬丈長不知羣兒愚那用
故謗傷蚍蜉撼大樹可笑不自量伊我生其

後舉頭遙相望夜夢多見之晝思反微茫徒
觀斧鑿痕不矚治水航想當施手時巨刃磨
天揚垠崖劃崩豁乾坤擺雷礮惟此兩夫子
家居率荒涼帝欲長吟哦故遣起且僵剪翎
送籠中使看百鳥翔平生千萬篇金薤垂琳
琅仙宮勅六丁雷電下取將流落人間者秦
山一豪芒我願生兩翅捕逐出八荒精誠忽
交通百怪入我腸刺手拔鯨牙舉瓢酌天漿

騰身跨汗漫不著織女襄顧語地上友經營
無太忙乞君飛霞珮與我高頡頏

裴說一首

騷人久不出安得國風清擬掘孤墳破重教
大雅生皇天高莫問白酒恨難平悒快寒江
上誰人知此情

孟賓于一首

南遊何感思更甚葉繽紛一夜耒江雨百年

工部文青山當日見白酒至今聞惟有為詩者經過時弔君

唱酬題詠附錄終

諸家詩話

宋人方惟道兄弟纂錄唐宋以來評杜詩者號曰諸家老杜詩評蔡夢弼草堂詩話一卷悉摭韻語陽秋之類尤爲猥雜今刪補而存之

唐書一事

文宗紀鄭注言秦中有火宜興土以厭之乃濬昆明曲江二池上好爲詩每誦杜甫曲江

行云江頭宮殿鎖千門細柳新蒲爲誰綠乃
知天寶已前曲江四岸皆有行宮臺殿百司
解署思復昇平故事故爲樓殿以壯之太和
九年十月內出曲江新造紫雲樓彩霞亭額
仇士良以百戲于銀臺門迎之

唐本事詩二事

李白才逸氣高與陳拾遺齊名先後合德其
論詩云梁陳已來豔薄斯極沈休文又尚以

聲律將復古道非我而誰歟故陳李二集律
詩殊少嘗言寄興深微五言不如四言七言
又其靡也況使束于聲調俳優哉故戲杜曰
飯顛山頭逢杜甫唐撫言作長樂坡前逢杜甫頭戴笠子
日卓午借問別來別一作新太瘦生總爲從前作
詩苦益譏其拘束也

白常出入宮中恩禮殊厚竟以疎縱乞歸上
亦以非廊廟器優詔罷遣之後以不羈流落

江外又以永王招禮累謫於夜郎及放還卒於宣城杜所贈二十韻備敘其事讀其文盡得其故跡杜逢祿山之難流離隴蜀畢陳于詩推見至隱殆無遺事故當時號爲詩史

劉禹錫嘉話三事

爲詩用僻字須有來處常訝杜員外巨顙折老拳疑老拳無據及覽石勒傳卿旣遭孤老拳孤亦飽卿毒手豈虛言哉後輩業詩即須

有據不可率爾道也

茱萸二字經三詩人皆已道亦有能否焉杜
公言更把茱萸子細看王右丞徧插茱萸少
一人朱倣學他年少插茱萸杜公爲最優也
禹錫常言白樂天苦好余秋水詠曰東屯滄
海闊南讓洞庭寬又石頭城下作山圍故國
周遭在潮打空城寂寞回自知不及韋蘇州
春潮帶雨晚來急野渡無人舟自橫又杜少

陵過洞庭詩落句曰春去春來洞庭闊白蘋
愁殺白頭翁鄙夫之言有媿杜公也

歐陽文忠公詩話一事

陳舍人從易當時文方盛之際獨以醇儒古
學見稱其詩多類白樂天蓋自楊劉唱和西
崑集行後進學者爭效之風雅之變謂之西
崑體繇是唐賢諸詩集幾廢而不行陳公時
偶得杜集舊本文多脫誤至送蔡都尉詩云

身輕一鳥其下脫一字陳公因與數客各用一字補之或云疾或云落或云起或云下莫能定其後得一善本乃是身輕一鳥過陳公歎服以爲雖一字諸君亦莫能到也

王荊公鍾山語錄一事

暝色赴春愁下得赴字最好若下起字即小兒語也無人覺來往踈懶興何長下得覺字大好足見吟詩要一字兩字工夫也

司馬溫公迂叟詩話一事

洋洋墳首三星在畱言不可久古人爲詩貴
于意在言外使人思而得之近世詩人惟杜
子美最得詩人之體如國破山河在明無餘
物矣城春草木深明無人矣花鳥平時可娛
之物見之而泣聞之而恐則時可知矣他皆
類此不可遍舉

古今詩話一事

章聖問侍臣唐時酒每斗價幾何丁晉公奏
曰唐時酒每斗三百文舉杜詩以證章聖大
喜曰杜甫詩自可爲一代之史也

東坡三事

子美自許稷與契人未必許也然其詩云舜
舉十六相身尊道更高秦時用商鞅法令如
牛毛自是稷契輩人口中語也又云知名未
足稱局促商山芝又云王侯與螻螻同盡隨

邱墟願聞第一義回向心地初乃知子美詩
外尚有事在也

司空表聖自論其詩以爲得味外味綠樹連
村暗黃花入麥稀此句最善又云碁聲花院
閉幡影石壇高吾嘗獨遊五老峰入白鶴觀
松陰滿地不見一人惟聞碁聲然後知此句
之工也但恨其寒儉有僧態若杜子美云暗
飛螢自照水宿鳥相呼四更山吐月殘夜水

明樓則才力富健去表聖之流遠矣

東坡王定國詩集序曰太史公論詩以爲國風好色而不淫小雅怨誹而不亂以予觀之是特識變風變雅耳烏覩詩之正乎昔先王之澤衰然後變風發乎情雖衰而未竭是以猶止于禮義以爲賢于無所止者而已若夫發于情止于忠孝者其詩豈可同日而語哉古今詩人衆矣而杜子美爲首豈非以其流

落飢寒終身不用而一飯未嘗忘君也歟

蔡約之西清詩話一事

詩之聲律至唐始成然亦多原六朝旨意而造語工夫各有微妙何遜入西塞詩薄雲巖際出初月波中上至少陵江邊小閣則云薄雲巖際宿孤月浪中翻雖因舊而益妍類獺髓補痕也

秦淮海進論一事

淮海秦少遊進論曰杜子美之于詩實積眾
流之長適當其時而已昔蘇武李陵之詩長
于高妙曹植劉公幹之詩長于豪逸陶潛阮
籍之詩長于沖澹謝靈運鮑昭之詩長于峻
潔徐陵庾信之詩長于藻麗于是子美窮高
妙之格極豪逸之氣包沖澹之趨兼峻潔之
姿備藻麗之態而諸家之作所不及焉然不
集諸家之長子美亦不能獨至于斯也豈非

適當其時故耶孟子曰伯夷聖之清者也伊尹聖之任者也柳下惠聖之和者也孔子聖之時者也孔子之所謂集大成嗚呼子美亦集詩之大成歟

王彥輔塵史一事

杜審言詩有綰霧青條弱牽風紫蔓長又有寄語洛城風月道明年春色倍還人之句若子美林花著雨臙脂落水荇牽風翠帶長又

云傳語風光共流轉暫時相賞莫相違雖不襲取其意而語脉益有家法矣

葉夢得二事

石林葉夢得詩話曰詩語固忌用巧太過然緣情體物自有天然工巧而不見其刻削之痕老杜細雨魚兒出微風燕子斜此十字殆無一字虛設細雨著水面爲漚魚常上浮而淦若大雨則伏而不出燕體輕弱風猛則不

能勝惟微風乃受以爲勢故又有輕燕受風
斜之句至若穿花蛺蝶深深見點水蜻蜓款
款飛深深字若無穿字款款字若無點字皆
無以見其精微如此然讀之渾然全似未嘗
用力此所以不礙其氣格超勝唐末諸子爲
之便當入魚躍練江拋玉尺鶯穿絲柳織金
梭體矣詩人以一字爲工世固有之惟老杜
變化開闔出奇無窮殆不可以形迹捕詰如

江山有巴蜀棟宇自齊梁則其遠近數千里
上下數百年只在有與自兩字間而吐吞山
水之氣俯仰古今之懷皆見於言外此工妙
至到人力不可及也

詩話二事

隱居詩話云唐人詠馬嵬之事者多矣世所
稱者劉禹錫云官軍誅佞幸天子捨天姬羣
吏伏門屏貴人牽帝裾低回轉美目風日爲

無輝白居易云六軍不發爭奈何婉轉蛾眉
馬前死此乃歌詠祿山能使官軍叛逼追明
皇明皇不得已而誅楊妃也豈特不曉文章
體裁而造語蠢拙抑亦失臣下事君之禮老
杜則不然其北征詩曰憶昨狼狽初事與古
先別不聞夏商衰中自誅褒姒乃見明皇鑒
夏商之敗畏天悔禍賜妃子以死官軍何與
馬唐闕史載鄭畋馬嵬詩命意似矣而詞句

凡下比託無狀不足道也

夏鄭公竦評老杜初月詩微升紫塞外已隱
暮雲端以爲意主肅宗也鄭公善評詩也吾
觀退之煌煌東方星奈此眾客醉其順宗時
作也東方謂憲宗在儲也

葛常之一事

韻語陽秋曰老杜當干戈騷屑之際間關秦
隴負薪拾杞鋪舖不給困躓極矣自至蜀依

裴冕始有草堂之居觀其經營往來之勞備
載于詩皆可攷也其曰萬里橋西宅百花潭
北莊者言其地也經營上元始斷手寶應年
言其時也雪裏江船渡風前徑竹斜寒魚依
密藻宿鷺起圓沙言其景物也至於草堂塹
西無樹林非子誰復見幽深則乞榿木於何
少府之詩也草堂少花今欲栽不問綠李與
黃梅則乞果于徐少卿之詩也王侍御攜酒

草堂則喜而爲詩曰故人能領客攜酒重相
看王錄事許草堂資不到則戲而爲詩曰爲
嗔王錄事不寄草堂資蓋其流離貧窶之餘
不能以自給皆因人而成也其經營之勤如
此然未及黔突避成都之亂入梓居閬其心
則未嘗一日不在草堂也遣弟檢校草堂則
曰鵝鴨宜常數柴荆莫浪開寄題草堂則曰
尚念四松小蔓草易拘纏送韋郎歸成都則

曰爲問南溪竹抽梢合過牆塗中寄嚴武則
曰常苦沙崩損藥闌也從江檻落風湍每致
意如此及成都亂定再依嚴爲節度參謀復
歸草堂則曰不忍竟捨此復來薙榛蕪入門
四松在步堞萬竹疎則其喜可知矣未幾嚴
武卒徬徨無依復捨之而去以唐史及公詩
攷之草堂斷手於寶應之初而永泰元年四
月嚴武卒是秋公寓夔州雲安縣有此草堂

者終始祇得四載而其間居梓閩三年公詩
所謂三年奔走空皮骨是也則安居草堂僅
閱歲而已

兩齋三平在去空身骨長也何與吾草堂前
香猶欲靜野四幾而其間風林間三平公枯

杜工部集卷首

誌傳集序

唐故檢校工部員外郎杜君墓係銘

元

稹

江陵士曹時作

敘曰余讀詩至杜子美而知大小之有所總
萃焉始堯舜時君臣以賡歌相和是後詩人
繼作歷夏殷周千餘年仲尼緝拾選練取其
干預教化之尤者三百篇其餘無聞焉騷人

作而怨憤之態繁然猶去風雅日近尚相比
擬秦漢以還採詩之官既廢天下妖謠民謳
歌頌諷賦曲度嬉戲之詞亦隨時間作至漢
武帝賦柏梁詩而七言之體興蘇子卿李少
卿之徒尤工爲五言雖句讀文律各異雅鄭
之音亦雜而詞意簡遠指事言情自非有爲
而爲則文不妄作建安之後天下文士遭罹
兵戰曹氏父子鞍馬間爲文往往橫槊賦詩

其道壯抑揚寃哀悲離之作尤極於古晉世
風槩稍存宋齊之間教失根本士子以簡慢
歛習舒徐相尚文章以風容色澤放曠精清
爲高蓋吟寫性靈流連光景之文也意義格
力固無取焉陵遲至於梁陳淫豔刻飾佻巧
小碎之詞劇又宋齊之所不取也唐興官學
大振歷世之文能者互出而又沈宋之流研
練精切穩順聲執謂之爲律詩由是而後文

變之體極焉然而莫不好古者遺近務華者
去實效齊梁則不逮于魏晉工樂府則力屈
于五言律切則骨格不存閒暇則纖濃莫備
至于子美蓋所謂上薄風雅下該沈宋言奪
蘇李氣吞曹劉掩顏謝之孤高雜徐庾之流
麗盡得古今之體執而兼人人之所獨專矣
使仲尼鍛其旨要尚不知貴其多乎哉苟以
其能所不能無可無不可則詩人以來未有

如子美者是時山東人李白亦以奇文取稱
時人謂之李杜余觀其壯浪縱恣擺去拘束
模寫物象及樂府歌詩誠亦差肩于子美矣
至若鋪陳終始排比聲韻大或千言次猶數
百詞氣豪邁而風調清深屬對律切而脫棄
凡近則李尚不能厯其藩翰況堂奧乎子嘗
欲條析其文體別相附與來者爲之準特病
懶未就耳適遇子美之孫嗣業啟子美之柩

襄耐事於偃師途次於荆雅知余愛言其大
父之爲文拜余爲誌辭不能絕余因係其官
閔而銘其卒葬云係曰昔當陽成侯姓杜氏
下十世而生依藝命於鞏依藝生審言審言
善詩官至膳部員外郎審言生閑閑生甫閑
爲奉天令甫字子美天寶中獻三大禮賦明
皇奇之命宰相試文文善授右衛率府胄曹
屬京師亂步謁行在拜左拾遺歲餘以直言

失官出爲華州司功尋遷京兆功曹劍南節
度嚴武狀爲工部員外郎參謀軍事旋又棄
去扁舟下荆楚間竟以寓卒旅殯岳陽享年
五十九夫人宏農楊氏女父曰司農少卿怡
四十九年而終嗣子曰宗武病不克葬歿命
其子嗣業嗣業貧無以給喪收拾乞匄焦勞
晝夜去子美歿後餘四十年然後卒先人之
志亦足爲難矣銘曰

維元和之癸巳粵某月某日之佳辰合窆我
杜子美于首陽之山前嗚呼千載而下曰此
文先生之古墳

四十舊書文苑傳

杜甫字子美本襄陽人後徙河南鞏縣曾祖
依藝位終鞏令祖審言位終膳部員外郎自
有傳父閑終奉天令甫天寶初應進士不第
天寶末獻三大禮賦元宗奇之召試文章授

京兆府兵曹參軍十五載祿山陷京師肅宗
徵兵靈武甫自京師宵遁赴河西謁肅宗于
彭原郡拜右拾遺房瑄布衣時與甫善時瑄
爲宰相請自帥師討賊帝許之其年十月瑄
兵敗於陳濤斜明年春瑄罷相甫上疏言瑄
有才不宜罷免肅宗怒貶瑄爲刺史出甫爲
華州司功參軍時關畿亂離穀食踴貴甫寓
居成州同谷縣自負薪採杞兒女餓殍者數

人久之召補京兆府功曹上元二年冬黃門
侍郎鄭國公嚴武鎮成都奏爲節度參謀檢
校尚書工部員外郎賜緋魚袋武與甫世舊
待遇甚隆甫性褊躁無器度恃恩放恣嘗憑
醉登武之牀瞪視武曰嚴挺之乃有此兒武
雖急暴不以爲忤甫于成都浣花里種竹植
樹結廬枕江縱酒嘯詠與田父野老相狎蕩
無拘檢嚴武過之有時不冠其傲誕如此永

泰元年夏武卒甫無所依及郭英乂代武鎮
成都英乂武人麤暴無能刺謁乃遊東蜀依
高適旣至而適卒是歲崔寧殺英乂楊子琳
攻西川蜀中大亂甫以其家避亂荆楚扁舟
下峽未維舟而江陵亂乃泝沿湘流遊衡山
寓居耒陽甫嘗遊岳廟爲暴水所阻旬日不
得食耒陽聶令知之自擢舟迎甫而還永泰
二年啗牛肉白酒一夕而卒于耒陽時年五

十九子宗武流落湖湘而卒元和中宗武子
嗣業自耒陽遷甫之柩歸葬於偃師縣西北
首陽山之前天寶末詩人甫與李白齊名而
白自負文格放達譏甫齷齪而有飯顆山頭
之嘲諷元和中詞人元稹論李杜之優劣曰
余讀詩至杜子美云云特病嬾未就耳自後
屬文者以稹論爲是甫有集六十卷

杜工部小集序

潤州刺史樊

晃

工部員外郎杜甫字子美膳部員外郎審言之孫至德初拜左拾遺直諫忤旨左轉薄遊隴蜀殆十年矣黃門侍郎嚴武總戎全蜀君爲幕賓白首爲郎待之客禮屬契闊湮阨東歸江陵緣湘沅而不返痛矣夫文集六十卷行於江漢之南常蓄東游之志竟不就屬時方用武斯文將墜故不爲東人之所知江左詞人所傳誦者皆君之戲題劇論耳曾不知

君有大雅之作當今一人而已今採其遺文
凡二百九十篇各以志類分爲六卷且行於
江左君有宗文宗武近知所在漂寓江陵冀
求其正集續當論次云

贈杜工部詩集序

孫 僅

敘曰五常之精萬象之靈不能自文必委其
精萃其靈于偉傑之人以渙發焉故文者天
地真粹之氣也所以君五常母萬象也縱出

橫飛疑無涯隅表乾裏坤深入隱奧非夫腹
五常精心萬象靈神合冥會則未始得之矣
夫文各一而所以用之三謀勇正之謂也謀
以始意勇以作氣正以全道苟意亂思率則
謀沮矣氣萎體瘵則勇喪矣言蕩辭蕪則正
塞矣是三者迭相羽翼以濟乎用也備則氣
溇而長剝則氣散而涸中古而下文道繁富
風若周騷若楚文若西漢咸角然天出萬世

之衡軸也後之學者瞽實瞽正不守其根而
好其枝葉由是日誕月豔蕩而莫返曹劉應
揚之徒唱之沈謝徐庾之徒和之爭柔鬪葩
聯組擅繡萬鈞之重爍爲錙銖真粹之氣殆
將滅矣洎夫子之爲也剔陳梁亂齊宋扶晉
魏潛其淫波遏其煩聲與周楚西漢相準的
其夔邈高聳則若鑿太虛而噉萬籟其馳驟
怪駭則若仗天策而騎箕尾其首截峻整則

若儼鉤陳而界雲漢樞機日月開闔雷電昂
昂然神其謀挺其勇握其正以高視天壤趨
入作者之域所謂真粹氣中人也公之詩支
而爲六家孟郊得其氣焰張籍得其簡麗姚
合得其清雅賈島得其奇僻杜牧薛能得其
豪健陸龜蒙得其贍博皆出公之奇偏爾尚
軒軒然自號一家嚇世烜俗後人師擬不暇
矧合之乎風騷而下唐而上一人而已是知

唐之言詩公之餘波及爾於戲以公之才宜
器大任而顛沛寇虜汨沒蠻夷者屯于時耶
戾于命耶將天嗜厭代未使斯文大振耶雖
道振當世而澤化後人斯不朽矣因覽公集
輒洩其憤以書之

王內翰序

翰林學士兵部郎中
知制誥史館修撰 王 洙 撰

杜甫字子美襄陽人徙河南鞏縣曾祖依藝

鞏令祖審言膳部員外郎父閑奉天令甫少
不羈天寶中獻三賦召試文章授河西尉辭
不行改右衛率府胄曹天寶末以家避亂鄜
獨轉陷賊中至德二載竄歸鳳翔謁肅宗授
左拾遺詔許至鄜迎家明年收京扈從還長
安房琯罷相甫上疏論琯有才不宜廢免肅
宗怒貶琯邠州刺史出甫爲華州司功屬關
輔飢亂棄官之秦州又居成州同谷自負薪

採梠舖糶不給遂入蜀卜居成都浣花里復
適東川久之召補京兆府功曹以道阻不赴
欲如荆楚上元二年聞嚴武鎮成都自閬州
挈家往依焉武歸朝廷甫浮遊左蜀諸郡往
來非一武再鎮兩川奏爲節度參謀檢校工
部員外郎賜緋永泰元年夏武卒郭英乂代
武崔旰殺英乂楊子琳柏貞節舉兵攻旰蜀
中大亂甫逃至梓州亂定歸成都無所依乃

泛舟遊嘉戎次雲安移居夔州大厯三年春
下峽至荆南又次公安入湖南泝沿湘流遊
衡山寓居耒陽嘗至嶽廟阻暴水旬日不得
食耒陽勗令知之自具舟迎還五年夏一夕
醉飽卒年五十九觀甫詩與唐實錄猶槩見
事迹比新書列傳彼爲躋駁甫集初六十卷
今秘府舊藏通人家所有稱大小集者皆亡
逸之餘人自編摭非當時第敘矣蒐裒中外

書凡九十九卷除其重複定取千四百有五
篇凡古詩三百九十有九近體千有六起太
平時終湖南所作視居行之次若歲時爲先
後分十八卷又別錄賦筆雜著二十九篇爲
二卷合二十卷意茲未可謂盡他日有得尚
副益諸寶元二年十月王原叔記

後記

王琪

近世學者爭言杜詩愛之深者至剽掠句語

迨所用險字而模畫之沛然自以絕洪流而窮深源矣又人人購其亡逸多或百餘篇少數十句藏棄矜大復自以爲有得翰林王君原叔尤嗜其詩家素蓄先唐舊集及探秘府名公之室天下士人所有得者悉編次之事具于記于是杜詩無遺矣子美博聞稽古其用事非老儒博士罕知其自出然訛缺久矣後人妄改而補之者衆莫之過也非原叔多

得其真爲害大矣子美之詩詞有近質者所謂轉石于千仞之山勢也學者尤效之而過甚豈遠大者難窺乎然夫子之刪詩也至于檜曹小國寺人女子之詩苟中法度咸取而弦歌善言詩者豈拘于人哉原叔雖自編次余病其卷帙之多而未甚布暇日與蘇州進士何君瑒丁君修得原叔家藏及今古諸集聚于郡齋而參攷之三月而後已義有兼通

者亦存而不敢削閱之者固有淺深也而又
吳江邑宰河東裴君煜取以覆視乃益精密
遂鏤于板庶廣其傳或俾余序于篇者曰如
原叔之能文稱于世止作記于後余竊慕之
且余安知子美哉但本末不可闕書故槩舉
以附于卷終原叔之文今遷于卷首云嘉祐
四年四月望日姑蘇郡守太原王琪後記

成都新刻草堂先生詩碑序

胡宗愈

草堂先生謂子美也草堂子美之故居因其
所居而號之曰草堂先生先生自同谷入蜀
遂卜成都浣花江上萬里橋之西爲草堂以
居焉唐之史記前後牴牾先生至成都之年
月不可攷其後先生寄題草堂云經營上元
始斷手寶應年然則先生之來成都殆上元
之初乎嚴武入朝先生送武之巴西遂如梓

州蜀亂乃之閬州將遊荆楚會武再鎮兩川
先生乃自閬州挈妻子歸草堂武辟先生爲
參謀武卒蜀又亂先生去之東川移居夔州
遂下荆渚沅湘上衡山卒于耒陽先生以
詩鳴於唐凡出處去就動息勞佚悲喜憂樂
忠憤感激好賢惡惡一見于詩讀之可以知
其世學士大夫謂之詩史其所遊歷好事者
隨處刻其詩于石至成都則闕然先生之故

居松竹荒涼略不可記今丞相呂公鎮成都
復作草堂于先生之舊址繪先生之像於其
上宗愈假符于此乃錄先生之詩刻石置於
草堂之壁間先生雖去此而其詩之意有在
于是者亦附其後庶幾好事者於以攷先生
去來之迹云元祐庚午資政殿學士中大夫
知成都軍府事胡宗愈序

杜工部集後記

吳若

右杜集建康府學所刻板也初教授劉亘常
今當兵火瓦礫之餘便欲刻印文籍得府帥
端明李公行其言繼而樞密趙公不廢其說
未幾趙公移帥江西常亦以病丐罷屬府
倅吳公才德克察推王閻伯言嗣成之德克
伯言爲求工外邑付學正張翼學錄李鼎要
以必成踰半年教授錢壽朋耆朋來乃克成
焉蓋方督府宣司鼎來百工奔走趨命不暇

刀板在手奪去者屢矣一集之微更歲歷十
餘君子始就嗚呼儒業之難興如此常今初
得李端明本以爲善又得撫屬姚寬令威所
傳故吏部鮑欽止本校足之末得若本以爲
無恨焉凡稱樊者樊晁小集也稱晉者開運
二年官書也稱荆者王介甫四選也稱宋者
宋景文也稱陳者陳無已也稱刊及一作者
黃魯直晁以道諸本也雖然子美詩如五穀

六牲人皆知味而鮮不爲異饌所移者故世
之出異意爲異說以亂杜詩之真者甚多此
本雖未必皆得其真然求不爲異者也他日
有加是正者重刻之此學者之所望也紹興
三年六月荆溪吳若季海書

杜工部集卷首終

封工聽莫春首發

...

...

三羊六月誰為吳法率制書

...

...

...

...

杜工部集卷之一目錄

古詩五十五首

奉贈韋左丞丈

送高三十五書記

贈李白

遊龍門奉先寺

望嶽

陪李北海宴歷下亭

登歷下員外新亭

李邕作

同李太守登歷下新亭

元都壇歌寄元逸人

今夕行

貧交行

兵車行

高都護
驄馬行

天育驃騎歌

白絲行

秋雨歎三首

歎庭前甘菊花

醉時歌

醉歌行

贈衛八處士

苦雨奉寄隴西公兼呈王徵士

同諸公登慈恩寺塔

示從孫濟

九日寄岑參

送孔巢父謝病歸游江東兼呈李白

飲中八仙歌

曲江三章章五句

麗人行

樂遊園歌

漢陂行

漢陂西南臺

戲簡鄭廣文兼呈蘇司業

夏日李公見訪

同郭給事湯東靈湫作

夜聽許十損誦詩愛而有作

橋陵詩三十韻因呈縣內諸官

沙苑行

緜結鄭五百字

驄馬行

去矣行

赴奉先縣詠懷五百字

劉少府新畫山水障歌

白水縣崔少府高齋三十韻

三川觀水漲二十韻

悲陳陶

悲青坂

哀江頭

哀王孫

大雲寺贊公房四首

杜工部集卷之一目錄終

杜工部集卷之一

古詩五十五首

天寶末亂時
并陷賊中作

奉贈韋左丞丈二十二韻

紉袴不餓死儒冠多誤身
丈人試靜聽賤子

請具陳甫昔少

一作妙

年日早充觀國賓
讀書

破萬卷下筆如有神
賦料揚雄敵詩看子建

親李邕求識面
王翰願卜

卜陳作爲

鄰自謂頗挺

出

一作生

立登要路津
致君堯舜上再使風俗

瀉此意竟蕭條行歌非隱淪騎驢三十載旅
食京華春朝扣富兒門暮隨肥馬塵殘杯與
冷炙到處潛悲辛主上頃見徵歛然欲求伸
青冥却垂翅蹭蹬無縱鱗甚愧丈人厚甚知
丈人真每於百寮上猥誦佳句新竊效貢公
喜難甘原憲貧焉能心怏怏祇是走踈踈今
欲東入海即將西去秦尚憐終南山回首清
渭濱常擬報一飯況懷辭大臣白鷗沒

宋作波

浩蕩萬里誰能馴

送高三十五書記

崆峒小麥熟且

吾一作

願休王師請公問主將

馬用窮荒為饑鷹未飽肉側翅隨人飛高生

跨鞍馬有似幽并

并一作州

兒脫身簿尉中始與

捶楚辭借問今何官觸熱向武威答云

言一作

一書記所媿國士知人實不易知更

尤一作

須

慎其儀

一作宜

十年出幕府自可持旌麾

一作旗

此行既特達足以慰所思一云亦足慰遠思男兒功

名遂亦在老大唐佐切夜歸詩明星當空大同時常恨結驩

淺各在天一涯又如參與商慘慘中腸悲驚

風吹一作飄鴻鵠不得相追隨黃塵翳沙漠念

子何當一作時歸邊城有餘力早寄從軍詩

贈李白

二年客東都所歷厭機巧野人對羶腥蔬食

常不飽豈無青精一作粃亦作餹飯使我顏色好苦

乏大一作買藥資山林跡如埽李侯金閨彦陳浩

然本脫身事幽討亦一作未有梁宋遊方期拾

瑶草

遊龍門奉先寺

已從招提遊更宿招提境陰壑生虛一作靈籟

月林散清影天闕一作興宗考異作闕象緯逼

雲臥衣裳冷欲覺聞晨鐘令人發深省

望嶽

岱宗夫如何齊魯青未了造化鍾神秀陰陽
割昏曉盪胸生層雲決背入歸鳥會當凌絕
頂一覽衆山小

陪李北海宴歷下亭

時邑人蹇處士等在坐李公序

東藩駐阜蓋北渚凌青荷

一作清河

海內

一作右

此

亭古濟南名士多雲山已發興玉佩仍當謔
修竹不受暑交流空湧波蘊真愜所遇落日
將如何貴賤俱物役從公難重過

登歷下古城員外

草堂本此下有孫字

新亭

北海太守李邕

吾宗固神秀體物寫謀長形制開古跡曾冰

延樂方太山雄地理巨壑眇雲莊高興泊陳浩

然本作泊煩促永懷清典常含宏知四大出入見

三光負郭喜粳稻安時歌吉祥

同前

亭對鵲湖

草堂諸本題作同李太守登歷下古城員外新亭

新亭結構罷隱見清湖陰跡籍臺觀舊氣溟

海嶽深圓荷想自昔遺堞感至今芳宴此時

具一作俱

哀絲一作絃

千古心主稱壽尊客筵秩

宴北林

北一作密

不阻蓬華興得兼

一作兼得

梁甫吟

元都壇歌

元都壇歌

寄元逸人

故人昔隱東蒙峰已佩含景蒼精龍故人今

居子午谷獨在

一作竝

陰崖結

一作白

茅屋屋前

太古元都壇青石漠漠常風寒子規夜啼山

竹裂王母晝下雲旗翻

一作蟠

知君此計成

一作或

誠長往芝草琅玕日應長鐵鑠高垂不可攀
致身福地何蕭爽

今夕行

自齊趙西歸
至咸陽作

今夕何夕歲云徂更長燭明不可孤咸陽客
舍一事無相與博塞一作賭博爲歡娛馮陵大叫
呼五白袒跣不肯成臯盧一作牟英雄有時亦
如此邂逅豈即非良圖君莫笑劉毅從來布
衣願家無儋石輸百萬

貧交行

翻手作雲覆手雨紛紛輕薄何須數君不見
管鮑貧時交此道令人棄如土

兵車行

車轢轢馬蕭蕭行人弓箭各在腰耶孃妻子
走相送塵埃不見咸陽橋牽衣頓足攔一作橋
道哭哭聲直上千雲霄道傍過者問行人行
人但云點行頻或從十五北防河便至四十

西營田去時里正與裏頭歸來頭白還戍邊

邊亭

庭一作

流血成海水武

我一作

皇開邊意未

已君不聞漢家山東二百州千村萬落生荆

杞縱有健婦把鋤犁禾生隴畝無東西沉復

秦兵耐苦戰被驅不異犬與雞長者雖有問

役夫敢申恨且如今年冬未休關

隴一作

西卒

一云役夫心益憤如今

縣官急索租

草堂本作縣官

云急 索租稅從何出信知生男惡反是生女好

生女猶是一作得嫁比鄰生男一作埋沒隨百

草君不見青海頭古來白骨無人收新鬼煩

冤舊鬼哭天陰雨溼聲一作悲啾啾

高都護驄馬行

安西都護胡青驄聲價歛然來向東此馬臨
陣久無敵與人一心成大功功成惠養隨所
致飄飄一作飄遠自流沙至雄姿未受伏櫪恩
猛氣猶思戰場利腕促蹄高如踣鐵交河幾

蹴曾冰裂五花散作雲滿身萬里方看汗流
血長安壯兒不敢騎走過掣電傾城知青絲
絡頭爲君老何由却出橫門道

天育驃騎歌

吾聞天子之馬走千里今之畫圖無乃是

何意態雄且傑駿

駿一作

尾蕭梢朔風起毛爲

綠縹兩耳黃眼有紫焰雙瞳方矯矯

矯一作然龍

性

一云矯龍性逸

合

草堂本云東坡書作舍

變化卓立天骨森

開張伊昔太僕張景順監牧攻駒一云考牧

考牧神駒閱清峻遂令大奴守一作天育別養驥

子憐神俊當時四十萬匹馬張公歎其材盡

下故獨寫真傳世人見之座右久更新年多

物化空形影嗚呼健步無由騁如今豈無騷

裏與驂騑時無王良伯樂死即休

白絲行

縑絲須長不須白越羅蜀錦金粟尺象一作牙

床玉手亂殷紅萬草千花動凝碧已悲素質

隨時染一作改裂下鳴機色相射美人細意熨

帖平裁縫滅盡針線跡春天衣著為君舞蚨

蜨飛來黃鸝語落絮遊絲亦有情隨風照日

宜一作疑輕舉香汗輕塵污顏色一云香汗清

云香汗輕塵污不著陳浩然開新合故置何

本一作云香汗清塵似顏色相一作志許君不見才一作志士汲引難恐懼棄捐

忍羈旅

秋雨歎三首

雨中百草秋爛死
階下決明顏色鮮
著葉滿枝翠羽蓋
開花無數黃金錢
涼風蕭蕭吹汝急
恐汝後時難獨立
堂上書生空白頭
臨風三嗅馨香泣

關

一作蘭

風長

去聲一作仗

雨

一作東

秋紛紛

四海

一云萬里

八荒同一雲

去馬來牛不復辨

濁

涇清渭何當分禾

一作木

頭生耳黍穗

黑農夫

田婦

一作父

無消息城中斗米換

一作抱

衾裯相

許寧論兩相直

長安布衣誰比數反鎖衡門守環堵老夫不

出長蓬蒿稚子無憂走

讀作奏

風雨雨聲颼颼

催早寒胡鴈翅溼高飛難秋來未曾

陳浩然本作省

見白日塗汚后

一作厚

土何時乾

歎庭前甘菊花

簷

一作階一作庭

前甘菊移時晚青蘘重陽不堪摘

明日蕭條醉盡醒一作盡醒殘花爛熳開何益

籬邊野外多衆芳采擷細瑣升中堂念茲空

長大枝葉結根失所纏一作埋風霜

醉時歌贈廣文館博士鄭虔

諸公衮衮登臺一作華省廣文先生官獨冷甲

第紛紛厭梁肉廣文先生飯不足先生有道

出羲皇先生有才一作所談過屈宋一作所抱云一

有才或德尊一代常坎軻一作名垂萬古知

何用杜陵野客人更一作嗤被褐短窄一作

鬢如絲日糴太一作倉五升米時赴鄭老同

襟期得錢即相覓沽酒不復疑忘形到爾汝

痛飲真一作吾師清夜沈沈動春酌燈前細

雨簷花落一作但覺高歌有一作鬼

神馬知餓死填溝壑相如逸才親滌器子雲

識字終投閣先生早賦歸去來石田茅屋荒

蒼苔儒術於我何有哉孔聖盜跖俱塵埃不

須聞此意慘愴生前相遇且銜盃

醉歌行

別從姪勤
落第歸

陸機二十作文賦汝更小年能綴文總角草
書又神速世上兒子徒紛紛驩駟作駒已汗
血驚鳥舉翮連青雲詞源賦一作倒流三峽水

筆陣獨掃千人軍只今年

浩然本
作生

纔十六七

射策君門期第一舊穿楊葉真自知暫蹶霜
蹄未爲失偶然擢秀非難取會是排風有毛

質汝身已

即一作

見唾成珠汝伯何由髮如漆

春光淡沲

草堂本作潭沲沲徒可切

秦東亭渚蒲芽白水

荇青風吹客衣日杲杲樹攪離思花冥冥酒

盡沙頭雙玉瓶眾賓皆

一作已

醉我獨醒乃知

貧賤別更苦吞聲躑躅涕淚零

贈衛八處士

人生不相見動如參與商今夕

一作此

復何夕

共此燈燭光

一云共宿此燈光

少壯能幾時鬢髮各

已蒼訪舊魯作問半爲鬼驚呼熱中腸焉知二

十載重上君子堂昔別君未婚兒女忽成行

怡然敬父執問我來何方問答乃未已陳浩然作

未及已兒女驅兒一作羅酒漿夜雨剪春韭新晨一作

炊間一作黃梁主稱會面難一舉累一作十

觴十觴一作百觴亦不醉一作辭感子故意長明日

隔山岳世事兩茫茫

苦雨奉寄隴西公兼呈王徵士隴西公即漢中

王瑀徵士
瑯琊王激

今秋乃淫雨仲月來寒風羣木水光下萬象

一作家雲氣中所思礙行潦九里信不通悄悄

素漉路迢迢天漢東願騰六尺馬一作駒背若

孤征鴻劃見公一作君子面超然懽笑同奮飛

既胡越局促傷樊籠一飯四五起憑軒心力

窮嘉蔬沒溷濁時菊碎榛叢鷹隼亦屈猛烏

鳶何所蒙式瞻北鄰居取適南巷翁挂席釣

川漲馬知清興終

同諸公登慈恩寺塔

時高適薛據先有此作

高標跨蒼天

一作穹

烈風無時休自非曠

一作壯

士懷登茲翻百憂方知象教力足

一作立

可追

冥搜仰穿龍蛇窟始出

一作驚

枝撐幽七星在

北戶

一云北戶

河漢聲西流羲和鞭白日少昊行

清秋秦

一作秦非

山忽破碎涇渭不可求俯視但

一氣焉能辨皇州回首叫虞舜蒼梧雲正愁

惜哉瑤池飲一作燕日晏崑崙印黃鵠去不息

哀鳴何所投君看隨陽鴈各有稻梁謀

示從孫濟

平明跨驢出未知一作委適誰門權門多噂

且復尋諸孫諸孫貧無事宅舍如荒村堂前

自生竹堂後自生萱萱草秋已死竹枝霜不

蕃一作翻淘米少汲水汲多井水渾刈葵莫放

手放手傷葵根阿翁嬾惰久覺免行步奔所

來一作求為宗族亦不為盤飧小人利口實云一

利口實薄俗難可一作具論勿受外嫌猜同姓

古所敦

九日寄岑參

出門復入門兩陳作雨脚但一作仍如一作但仍舊所

向泥活活一作浩浩思君令人瘦沈吟坐西一作秋

軒一作軒窗下飲一作飯食錯昏晝寸步曲江頭

難為一相就吁嗟呼一作乎蒼生稼穡不可救

安得誅雲師疇能補天漏大明韜日月曠野

號禽獸君子強逶迤小人困馳驟維南有崇

山恐一作與川浸溜是節一作東籬菊紛披

為誰秀岑生多新詩一作性亦嗜醇耐采采

黃金花何由滿一作衣袖

送孔巢父謝病歸遊江東兼呈李白

巢父掉頭不肯住東將入海隨烟霧詩卷長

畱天地間釣竿欲拂珊瑚一云珠樹深山大澤

龍虵遠春寒野陰風景暮

一云花繁草青春日暮

蓬萊

織女迴雲車指點虛無是征路

一作引歸路

自是

君身有仙骨世人那得知其故惜君只欲苦

死畱富貴何如草頭露

一云我欲苦畱君富貴何如草頭易晞露

蔡侯靜者意有餘清夜置酒臨前除罷琴惆

悵月照

荆作點

席幾歲寄我空中書南尋禹穴

見李白道甫問信今何如

飲中八仙歌

蘇大即錄其凡觀裡

知章騎馬似乘船
眼花落井水底眠
汝陽三

斗始朝天道逢

白氏長慶集注逢作見

麴車口流涎恨

不移封向酒泉左
相日興費萬錢
飲如長鯨

吸百川銜盃樂聖稱世

邵刊作避

賢宗之蕭灑美

少年舉觴白眼望青天
皎如玉樹臨風前
蘇

晉長齋繡佛前
醉中往往愛逃禪
李白一斗

詩百篇長安市上酒家眠
天子呼來不上船

自稱臣是酒中仙
張旭三盃草聖傳
脫帽露

頂王公前揮毫落紙如雲烟焦遂五斗方卓
然高談雄辯驚四筵

曲江三章章五句

曲江蕭條秋氣高菱荷枯折隨風濤遊子空
嗟垂二毛白石素沙亦相蕩哀鴻獨叫求其

曹

即事非今亦非古長歌激越梢林莽比屋豪
華固難數吾人甘作心似灰弟姪何傷淚如

雨

自斷此生休問天杜曲幸有桑麻田故將移
住南山邊短衣匹馬隨李廣看射猛虎終殘

年

麗人行

楊慎曰古本稱身下有足下何所着紅渠羅韞穿鎧銀徧考宋

刻本並無知楊氏
偽託也今削正

三月三日天氣新長安水邊多麗人態濃意

遠淑且真肌理細膩骨肉勻繡一作畫羅衣裳

照暮春感金孔雀銀麒麟頭上何所有翠微

一作烏合反為 盦 一作甸 葉 一作甸 垂鬢脣背 一作身 後何

所見珠壓腰袂 一作其輒切 穩稱身就中雲幕椒

房親賜名大國號與秦紫駝之峯 一作珍 出翠

釜水精之盤行素鱗犀筋厭飲久未下鑿刀

縷切空 一作坐 紛綸黃門飛鞚不動塵御厨絡

繹 一作絲 送八珍簫鼓 一作管 哀吟感鬼神賓從

雜 一作合 還實要津後來鞍馬何逡巡當軒 一作

道下馬入錦茵楊花雪落覆音副白蘋青鳥飛

去銜紅巾炙手可熱勢一作世絕倫慎莫近一作

向前丞相嗔

樂遊園歌

晦日賀蘭楊長史筵醉中作

樂遊古園萃

萃一作萃

森爽煙絲碧草萋萋長公

子華筵勢最高秦川對酒平如掌長生木瓢

示真率更調鞍馬狂歡賞青春波浪芙蓉園

白日雷霆夾

一作甲

城仗閭闔晴開映

一作誅蕩

蕩曲江翠幕排銀牓拂水低徊舞袖翻緣雲
清切歌聲上却憶年年人醉時只今未醉已
先悲數莖白髮那拋得百罰一作深盃亦不

辭英華作辭不辭聖朝亦已一作知賤士醜一物自一作

但荷皇天慈一作私此身飲罷無歸處獨立蒼

茫自詠詩

漢陂行

岑參兄弟皆好奇攜我遠來遊漢陂天地黯

慘忽異色波濤萬頃堆琉璃琉璃汗漫泛舟
入事殊興極憂思集鼉作鯨吞不復知惡風
白浪何嗟及主人錦帆相爲開舟子喜甚無
氛埃鳧鷖散亂棹謳發絲管啁啾空翠來沈
竿續蔓深莫測菱葉荷花靜一作淨如拭宛在
中流渤澥清下歸無極一云下臨無地終南黑半陂
已南純浸山動影裏宛沖融間船舷暝夏雲
際寺水面月出藍田關此時驪龍亦吐珠馮

夸擊鼓羣龍趨湘妃漢女出歌舞金支翠旗
光有無咫尺但愁雷雨至蒼茫不曉神靈意
少壯幾時奈老何向來哀樂何其多

漢陂西南臺

高臺面蒼陂六月風日冷蒹葭離披去天水
相與永懷新目似擊接要心已領仿像識鮫
人空蒙辨魚艇錯磨終南翠顛倒白閣影峭

一作
峯增光輝一作陰
乘陵惜俄頃勞生愧巖

鄭外物慕張邴世復輕驕騶吾甘雜鼃鼃知
歸俗可忽取適一作足事莫竝身退豈待官老
來苦便平聲靜況資菱芡足庶結茅茨迴從此
具扁舟彌年逐清景

戲簡鄭廣文虔兼呈蘇司業源明

廣文到官舍繫一作置馬堂階下醉則一作即騎

馬歸頗遭官長罵才名四一作三十年坐客寒

無羶賴一作近有蘇司業時時與一作乞酒錢

夏日李公

家一云李

見訪

李時為太子家
黃鶴曰按

宗室世系表
當是李炎

遠林暑氣薄公子過我遊貧居類村塢僻近

城南樓翫舍頗澹朴所願

樊陳並
作須

亦易求隔

屋喚西家借問有酒不牆頭過濁醪展席俯

長流清風左右至客意已驚秋巢多衆鳥鬪

一作

葉密鳴蟬稠苦道

一作

此物聒孰謂

陳作

語吾廬幽水花晚色靜

樊作

庶足充淹畱預

恐樽中盡更起爲君謀

奉同郭給事湯東靈湫作

東山氣鴻濛宮殿居上頭君來必十月樹羽

臨九州陰火煮玉泉噴薄漲巖幽有時浴赤

日光抱空中樓閣風入轍跡曠一作廣原一作野

延冥搜沸一作拂天萬乘動觀水百丈湫幽靈

靈湫一作新斯一作怪可佳一作怪王命官屬休初聞龍

用壯擘石摧林邱中夜窟宅改移因風雨秋

倒懸瑤池影屈注蒼江流味如甘露漿揮弄

滑且柔翠旗淡偃蹇雲車紛少畱簫鼓蕩四

溟異香泱泱浮鮫人獻微一作微綃曾祝沈豪

牛百祥奔盛明古先莫能儔坡陀金蝦蟆出

見蓋有由至尊顧之笑王母不肯一作遣收復

歸虛無底化作長黃虬一云龍與虬飄飄一云青

瑣郎文采珊瑚鈎浩歌淶水曲清絕聽者愁

夜聽許十損一本作許十一誦詩愛一本作許十無損字

而有作

許生五臺賓業白出石壁余亦師粲可身猶
縛禪寂何階子方便謬引為匹敵離索晚相

逢包蒙欣有擊誦詩渾

一作混

遊衍四座皆

一作

俱

辟易應手看捶鈎清心聽鳴鏑精微穿溟

滓飛動摧霹靂陶謝不枝梧風騷共推激紫

燕

舊作鸞非

自超詣翠駁誰剪剔君意人莫知人

間夜寥聞

橋陵詩三十韻因呈縣內諸官

先帝昔晏駕茲山朝百靈崇岡擁象設沃野

開天庭即事壯重險論功超五丁坡陀因一作

用厚地一作力却略羅峻屏雲關虛冉冉風松

肅泠泠石門霜露一作霧白玉殿莓苔青宮女

晚一作曉知曙祠官一作臣朝見星空梁簇畫戟

陰井敲銅瓶中使日夜繼一云日繼夜正惟

王心不宣豈徒卹備享尚謂求無形孝理敦

國政神凝推道經瑞芝產廟柱好鳥鳴一作巢

作巖局高岳前律萃洪河左澹澹澹澹玉篇同榮胡桐鳥

迴二切無營音熒字玉篇韻略俱無毛氏據此詩增恐非當作滌金城蓄峻

趾沙苑交迴汀水與奧區固川原紛眇冥居

然赤縣立臺榭爭峒亭官屬果稱是聲華真

一作宜可聽王劉美竹潤裴李春蘭馨鄭氏才

振古啖侯筆不停遣辭必中律利物常發矧

綺繡相展轉琳琅愈一作逾青熒側聞魯恭化

秉德崔瑗銘太史候鳧影王喬隨鶴翎朝儀
限霄漢客思迴林垆輒軻辭下杜飄飄陵濁
涇諸生舊短褐旅泛一浮萍荒歲兒女瘦暮
途涕泗零主人念老馬解署宇一作容容一作秋
螢流寓理豈愜窮愁醉未醒何當擺俗累浩
蕩乘滄溟

沙苑行

君不見左輔白沙如白水

一作白水

如白繚以周牆

百餘里龍媒昔是渥洼生汗血今稱獻於此

苑中駉北三千匹豐草青青寒不死食之豪

健西域無一云騰每歲攻一作收駒冠邊鄙

王有虎臣司苑門入門天廡皆雲屯驕驕一

骨獨當御春秋二時歸一作朝至尊至尊內外

馬盈億鮑作內外馬伏櫪在垆空大存逸羣

絕足信殊傑個儻權奇難具論纍纍埴阜藏

奔突往往坡陀縱超越角壯翻同一作騰麋鹿

遊浮深簸蕩龜鼉窟泉一作海出巨魚長比人

丹砂作尾黃金鱗豈知異物同精氣雖未成

龍亦有神

驄馬行太常梁卿勅賜馬也李鄧公愛而有之命甫製詩

鄧公馬癖人共知初得花驄大宛種夙昔傳

聞思一見牽來左右神皆竦雄姿逸態何嶄

崒顧影驕嘶自矜寵隅目青熒夾鏡懸肉駿

驥荆作碨礪連錢動朝來久草堂作少試華軒下未

覺千金滿高價赤汗微生白雪毛銀鞍却覆

香羅帕卿家舊賜公取之一云能取天殿真

龍此其亞晝洗須騰涇渭深朝一作晨趨可

刷幽并夜吾聞良驥老始成此馬數年人更

驚豈有四蹄疾于鳥不與八駿俱先鳴時俗

造次那得致雲霧晦冥方降精近聞下詔喧

都邑肯使一作有騏驎地上行豈肯入

去矣行豈肯入

君不見韝上鷹一飽則飛掣焉能作堂上燕
銜泥附炎熱野人曠蕩無覩顏豈可久在王
侯間未試囊中餐玉法明朝且入藍田山

自京赴奉先縣詠懷五百字

天寶十四
載十一月

初

杜陵有布衣老大意轉拙許身一何愚

樊作
過

竊比稷與契居然成濩落白首甘

一云
苦

契闊

蓋棺事則已此志常覬豁窮年憂黎元歎息

腸一作腹內熱取笑同學翁浩歌彌激烈非無

江海志蕭洒送

送一作迭

日月生逢堯舜君

堯為云

君不忍便永訣當今廊廟具構厦豈云缺葵

藿傾太陽物性固莫

難一作

奪顧惟螻螳輩但

自求其穴胡為慕大鯨輒擬偃溟渤以茲悟

生理獨恥事干謁兀兀遂至今忍為塵埃沒

終愧巢與由未能易其節沈飲聊自適

遣一作

放歌頗愁絕歲暮百草零疾風高岡裂天衢

陰崢嶸客子中夜發霜嚴衣帶斷指直不得

一作能結凌晨過驪山御榻在端嶸蚩尤塞寒

空蹴踏崖谷滑瑤池氣鬱律羽林相摩夏君

臣一云聖君留懽娛樂動殷膠嶠荆作膠葛一作

湯嶠一作賜浴皆長纓與宴一作謀非短褐彤廷

所分帛本自寒女出鞭撻一作箠其夫家聚斂

貢城闕聖人筐篚恩實欲一作願邦國活臣如

忽至理君豈棄此物多士盈朝廷仁者宜戰

慄況聞內金盤盡在衛霍室中堂舞一作神

仙烟霧散

一作蒙

玉質煖客

一作蒙

貂鼠裘悲管

逐清瑟勸客馳蹄羹霜橙壓香橋朱門酒肉

一作禽

臭路有凍死骨榮枯咫尺異惆悵難再

迷北轅就涇渭官渡又改轍羣冰

一作水

從西

下極目高崒兀疑是崆峒來恐觸天柱折河

梁幸未圻枝撐聲窸窣行旅相攀援川廣不

一作且

可越老妻寄

一作荆

異縣十口隔風雪誰

能久不顧庶往共饑渴入門聞號咷幼子飢

一作

已卒吾寧捨一哀里巷亦

陳作

嗚咽所

愧爲人父無食致天折豈知秋未

禾一作

登貧

窶有倉卒生常

當一作

免租稅名不隸征伐撫

迹猶

一作

酸辛平人固騷屑默思失業徒因

念遠戍卒憂端齊

際一作

終南頽洞不可掇

奉先劉少府新畫山水障歌

英華題云新畫山水

障歌奉先尉

劉單宅作

堂上一作中不合生楓樹怪底江山一作山川起烟

霧聞君埽却赤縣圖乘興遣畫滄洲趣畫師

亦無數好手不可遇對此融心神知君重毫

素豈但邗岳與鄭虔筆跡遠過楊契丹得非

元圃裂一作坼無乃瀟湘翻悄然坐我天姥下

耳邊已似聞清猿反思前夜風雨急乃一作恐

是蒲一作滿城鬼神入元氣淋漓障猶溼真宰

上訴天應泣野亭春還雜花遠漁翁暝踏孤

舟立滄浪水深青溟闊

英華云滄浪之水深且闊

欹岸側

島

英華云欹峯側岸

秋毫末不見湘妃鼓瑟時至今

斑竹臨江活劉侯天機精愛畫入骨髓自有

兩兒郎揮灑亦莫比大兒聰明到能添老樹

巔崖裏小兒心孔開貌

音邈

得山僧及童子若

耶溪雲門寺吾獨胡爲在泥滓青鞋布襪從

此始

堂上白水縣崔少府十九翁高齋三十韻

天寶

十五載
五月作

客從南縣來浩蕩無與適旅食白日長況當

朱炎赫高齋坐林杪信宿遊行聞清晨陪躋

攀傲睨俯峭壁崇岡相枕帶曠野懷一作迴

咫尺始知賢主人贈此遣愁寂危堦根青冥

曾冰生浙瀝上有無心雲下有欲落石泉聲

聞復急一作息動靜隨所擊陳作激鳥呼藏其身

有似懼彈射吏隱道陳作適情性茲焉其窟

宅白水見舅氏諸翁乃仙伯杖藜長松陰作

尉窮谷僻為我炊雕胡逍遙展良覲坐久風

頗愁一作怒晚來山更碧相對十丈蛟歛翻盤

渦圻何得空裏雷殷殷尋地脈烟氛一作氣藹

嶺一作嶺萃翹翹森慘戚崑崙崑崙峯崑崙峯崑崙峯崑崙峯

知一作知不隔前軒頽一作推反照巉絕華岳赤兵

氣漲林巒川光雜鋒鏑知是相公軍鐵馬雲

霧一作烟積玉觴淡無味羯奴豈強敵長歌激

屋梁淚下流
衽席人生半
哀樂天地有
順逆

慨彼萬國夫
休明備征狄
一作敵 猛將紛填委

廟謀蓄長策
東郊何時開
帶甲且來一作未 釋

欲告清宴罷
一作疲 難拒幽明迫
三歎酒食苟

何由似平昔

三川觀水漲
二十韻 天寶十五載七月
月中避寇時作

我經華原來
不復見平陸
北上唯土山
連天

走窮一作窮 谷火雲無時出
一作無時 飛電常在

目自多窮岫雨行潦相逐感翁音翁音又

川氣黃羣流會空曲清晨望高浪忽謂陰崖

踣音恐泥竄蛟龍登危聚麋鹿枯查卷拔樹

礪魄共充塞聲吹鬼神下勢閱人代速不有

萬穴歸何以尊四瀆及觀泉源漲反懼江海

覆漂沙折岸去一作去岸漱壑松柏禿乘陵陳作凌

破山門迴幹裂一作倒地軸交洛赴洪河及關

豈信宿應沈數州沒如聽萬室哭穢濁殊未

清風濤怒猶蓄何時通舟車陰氣不亦一云黤

黤浮生有蕩泊吾道正羈束人寰難容身石

壁滑側足雲雷此一作不已艱險路更跼普

天無川梁欲濟願水縮因悲中林士未脫衆

魚腹舉頭向蒼天安得騎鴻鵠

悲陳陶

孟冬十郡良家子血作陳陶澤中水野曠一作

廣天清一作無戰聲四萬義軍同日死羣胡

歸來血一作雪洗箭仍唱一云胡歌飲都市都

人迴面向北啼日夜更望官軍至一云前後官軍苦如此

悲青坂

我軍青坂在東門天寒飲馬太白窟黃頭奚

兒日向西數騎彎弓敢馳突山雪河冰野樊

晚樂府蕭颯一作颯青是烽一作人烟白人骨

馬得附書與我軍忍待明年莫倉卒

散風哀江頭

少陵野老吞聲哭春日潛行曲江曲江頭宮

殿鎖千門細柳新蒲為誰綠憶昔霓旌下南

苑苑中萬物生顏色昭陽殿裏第一人同輦

隨君侍君側輦前才一作詞人帶弓箭白馬嚼

噍一作齧黃金勒翻身向天一作空仰射雲一箭

考異作笑蔡君謨作發正墜雙飛翼明眸皓齒今何在

血污遊魂歸不得清渭東流劍閣深去住彼

此無消息人生有情淚沾臆江水一作草江花

豈終極黃昏胡騎塵滿城欲往城南忘南北

一云望城北

哀王孫

長安城頭頭白烏

樊作多白烏一作頸白烏

夜飛延秋門

上呼又向

一作來

人家啄大屋屋底達官走避

胡金鞭斷折九馬死骨肉不待

一作得

同馳驅

腰下寶玦青珊瑚可憐王孫泣路隅問之不

肯道姓名但道困苦乞為奴已經百日竄荆

棘身上無有完肌膚高帝子孫盡隆一作高準

龍種自與常人殊豺狼在邑龍在野王孫善

保千金軀不敢長語臨交衢且為王孫立斯

須昨夜東一作春風吹血腥東來橐一作駱駝一作滿

舊都朔方健兒好身手昔何勇銳今何愚竊

聞天一作太子已傳位聖德北服南單于花門

務面請雪恥慎勿出口他人狙一作狙哀哉王

孫慎勿踈五陵佳氣無時無

大雲寺贊公房四首

心在水精域衣霑春雨時洞門盡徐步深院

果幽期到一作扉又一作履開復閉撞鐘齋及

茲醍醐長發性飲一作飯食過扶衰把臂有多

日開懷無媿辭黃鸝一作鶯度結構紫鴿下罍

愚一作菲意會所適花邊行自遲湯休

起我病微笑索題詩

細軟青絲履光明白氎巾深藏供老宿取用

及吾身自顧轉無趣交情何尚新道林才不
世惠遠德過人雨瀉暮簷竹風吹青春一作井
芹天陰對圖畫最覺潤龍鱗

燈影照無睡心清聞妙香夜深殿突兀風動
金銀鐺天黑閉春院地清棲暗芳玉繩迴斷
絕鐵鳳森翱翔梵放時出寺鐘殘仍殷牀明
朝在沃野苦見塵沙黃時西郊逆賊拒官軍未已

童兒汲井華慣捷

海錄作慣健

瓶上一作

手霑灑

不濡地掃除似無筭明晨一作霞爛復閣霽霧

牽高牖側塞被徑花飄颻委墀一作柳艱難

世事迫隱遁佳期後晤語契深心那能總鉗

口奉辭還杖策暫別終回首泱泱一作泥污

人听听國多狗既未免羈絆一作時來憇奔

走近公如白雪執熱煩何有

杜工部集卷之一終

杜工部集卷之二目錄

古詩四十二首

蘇端薛復筵簡薛華醉歌

晦日尋崔戢李封

雨過蘇端

喜晴

送率府程錄事還鄉

述懷

本集卷一百金
送長孫九侍御赴武威判官

送樊二十三侍御赴漢中判官

送從弟亞赴安西判官

送韋十六評事克同谷郡防禦判官

塞蘆子

彭衙行

古北征

得舍弟消息

徒步歸行

玉華宮

九成宮

羌村三首

偈仄行贈畢曜

送李校書二十六韻

洗兵馬

畱花門

病後遇王倚飲贈歌

湖城東遇孟雲卿復歸劉顥宅宿宴飲

散因爲醉歌

閔鄉姜七少府設鱸戲贈長歌

戲贈閔鄉秦少公短歌

李鄴縣丈人胡馬行

義鶻

畫鶻行

蘇子
瘦馬行之二目餘然

新安吏

潼關吏

石壕吏

新婚別

垂老別

無家別

夏日歎

夏夜歎

早秋苦熱堆案相仍

立秋後題

杜工部集卷之二目錄終

杜工部集卷之二

古詩四十二首

避賊至鳳翔行在及歸
鄜州還京師出華州作

蘇端薛復筵簡薛華醉歌

文章有神交有道端復得之名譽早愛客滿

堂盡豪翰

一作傑

開筵上日月

一作月

思芳草安得

健步移遠梅亂插繁花向晴昊千里猶殘舊

冰雪百壺且試開懷抱垂老惡聞戰鼓悲急

一作羽觴為緩憂心擣少年努力縱談笑看我

形容已枯槁坐中薛華善一作醉歌歌辭云

醉歌一作無自作風格老近來海內為一作長句汝與

山東李白好何劉沈謝力未工才兼鮑昭愁

絕倒諸生頗盡新知樂萬事終傷不自保氣

酣日落西風來願吹野水添一作金盃如澠

之酒常快意亦如荆作窮愁英華作未安在

哉忽憶雨時秋井塌古人白骨生青苔如何

不飲令心哀

晦日尋崔戢李封

晦日謂正月晦日

朝光入甕牖尸

一作方作宴

寢驚弊裘起行視天

宇春氣漸和柔興來

一作云得興云乘興

不暇嬾今晨

梳我頭出門無所待徒

一作徒

步覺自由杖藜

復恣意免值公與侯晚定崔李交會心真罕

儔每過得酒傾

一作弊

二宅可淹畱喜結仁里

懽況因令節求李生園欲荒舊

一作有

竹頗修

修引客看掃除隨時成獻酬崔侯初筵色已

畏空尊愁未知天下士至一作性性有此不草

身既青出蜂聲亦暖遊思見農器陳何當甲

兵休上古葛天民不貽黃屋一作憂憂至今阮

籍等熟醉為身謀威鳳高其翔一云自長鯨

吞九州地軸為之翻百川皆亂流當歌欲一

放淚下恐莫收濁醪有妙理庶用一云慰沈

浮

雨過蘇端端置

酒 惟日 報日 臨日 五

雞鳴風雨

雲一作

交久旱雲亦好杖藜入春泥

無食起我早諸家憶所歷一飯

飽一作

跡便掃

蘇侯得數過懽喜每傾倒也復

復一作

可憐人

呼兒具梨棗濁醪必在眼盡醉攄懷抱紅稠

屋角花碧委

秀一作

墻隅草親賓縱

絕一作

談謔

喧鬧畏衰老

畏一作

况蒙霈澤垂糧粒或自保

妻孥隔軍壘撥棄不擬道

喜晴

喜雨云

皇天久不雨既雨晴亦佳出郭眺西郊肅肅

一作蕭蕭

春增華青熒陵陂麥窈窕桃李

一作杏

花

春夏各有實我飢豈無涯干戈雖橫放慘澹

鬪龍蛇甘澤不猶愈且耕今未賒丈夫則帶

甲婦女終在家力難及黍稷得種菜與麻千

載商山芝往者東門瓜其人骨已朽

一作減

此

道誰疵瑕英賢遇轆軻遠引蟠泥沙顧慙昧

所適迴首白日斜漢陰有鹿門滄海有靈

一作

雲查馬能學眾口咄咄空一作咨嗟

送率府程錄事還鄉程攜酒餞相就取別

鄙夫行衰謝抱病昏妄一作集常時往還人

記一不識十程侯晚相遇與語才傑立薰然

耳目開頗覺聰明入千載得鮑叔未契有所

及意鍾一作老柏青義動修虵螫若人可數

見慰我垂白泣告別無淹晷百憂復相襲內

愧突不黔庶羞以明云庶似調給素絲挈長魚

碧酒隨玉粒途窮見交態世梗悲路澁東風

吹春冰決莽

草堂本作滌

后土溼念君惜羽翮既

飽更思戢莫作翻雲鷲聞呼向禽急

述懷一首

此以下自賊中竄歸鳳翔作

去年潼關破妻子隔絕久今夏草木長脫身
得西走麻鞋見天子衣袖露兩肘朝廷慙生
還親故傷老醜涕淚授拾遺流離主恩厚柴
門雖得去未忍即開口寄書問三川不知家

在否比聞同罹禍殺戮到雞狗山中漏茅屋
誰復依戶牖摧頽蒼松根地冷骨未朽幾人
全性命盡室豈相偶嶽岑一作猛虎場鬱結
迴我首自寄一封書今已十月後反畏消息
來寸心亦何有漢運初中興生平老耽酒沈
思歡會處恐作窮獨一作叟

送長孫九侍御赴武威判官

驄馬新鑿蹄銀鞍被來好繡衣黃白郎騎向

交河道問君適萬里取別何草草天子憂涼

州嚴程到須早去秋羣胡反不得無電掃此

行收陳作遺收忙風俗方再造族父領元戎名

聲國晉作中老奪我同官良飄飄按城堡使

我不能餐令我惡懷抱若人才思闊溟漲浸

一作絕島尊前失詩流塞上得一作國寶皇

天悲送遠雲雨白浩浩東郊尚烽火朝野色

枯槁西極柱亦傾如何正穹昊

送樊二十三侍御赴漢中判官

威弧不能眩，自爾無寧歲。
川谷血橫流，豺狼沸相噬。
天子從北來，長驅振凋敝。
頓兵岐梁下，却跨沙漠裔。
二京陷未收，四極我得制。
蕭

索

一作瑟

漢水清，緬通淮湖稅。
使者紛星散，王

綱尚旒綴。南伯從事賢，君行立談際。
生

一作坐

知七曜，厯手畫三軍。
勢冰雪淨，聰明雷霆走精銳。
幕府輟諫官，朝廷無此

一作此

例至尊方

盱食仗爾布嘉惠補闕暮徵入柱史晨征憇

樊作補闕入柱史晨征固多憇

正當艱難時實藉長久計迴

風吹獨樹白日照執袂慟哭蒼烟根山門萬

重

一作里

閉居人莽牢落遊子方迢遞徘徊悲

生離局促老一世陶唐歌遺民後漢更列一作

別帝恨無匡復姿

一作資

聊欲從此逝

送從弟亞赴安西

一云河西

判官

南風作秋聲殺氣薄炎熾盛夏鷹隼擊時危

異人至令弟草中來蒼然一作請論事詔書

引上殿奮舌動天意兵法五十家爾腹爲篋

筭應對如轉丸疏通略文字經綸皆新語足

以正神器宗廟尚爲灰君臣俱一作下淚崆

峒地無軸青海浩然本天軒一作西極

最瘡痍連山暗烽燧帝曰大布衣藉卿佐元

帥坐看清流沙所以子奉使歸當再前席適

遠非歷一作試須存武威郡爲畫長久利孤

峰石戴驛快馬金纏轡黃羊飫不飽蘆一作魯
酒多還醉踴躍常人情慘澹苦士志安邊敵
何有反正計始遂吾聞駕鼓車不合用騏驥
龍吟迴其頭夾輔待所致

送韋十六評事充同谷郡防禦判官

昔沒賊中時潛與子同遊今歸行在所王事
有去留偏側兵馬間主憂急良籌子雖軀幹
小老一作志氣橫九州挺身艱難際張目視寇

讐朝廷壯其節奉詔令叅謀鑿輿駐鳳翔同

谷爲咽喉西扼弱水道南鎮枹罕一作羌陬此

邦承平日剽劫吏所羞況乃胡未滅控帶莽

悠悠府中韋使君道足示懷柔令姪才俊茂

二美又何求受詞太白脚走馬仇池頭古色

一作邑沙土裂積陰雪雲一作積雲羌

父豪猪靴一作帽羌兒青兜裘晉作漢兵吹角

向月窟蒼山一作蒼山旌旆愁鳥驚出死樹龍怒

拔老湫古來無人境今代橫戈矛傷哉文儒
士憤激馳林邱中原正格鬪後會何緣由百
年賦命定豈料沈與浮且復戀良友握手步
道周論兵遠壑淨亦可縱冥搜題詩得秀句
札翰時相投

塞蘆子

五城何迢迢迢迢隔河水邊兵盡東征城內
空荆杞思明割懷衛秀巖西未已迴一作略

大荒來一作東靖函蓋虛爾延州秦北戶關防

猶可倚馬得一萬人疾驅塞蘆子岐一作頃有

薛大夫菊制山賊起近聞昆戎徒為退三百

里蘆關扼兩寇深意實在此誰能晉作叫帝

關陳作門胡行速如鬼

彭衙行

憶昔避賊初北走經險艱夜深彭衙道一作門

月照白水山盡室久徒步逢人多厚顏參差

谷鳥吟

一作鳴

不見遊子還癡女饑咬我啼畏

虎狼

一作猛虎

聞懷中掩其口反側聲愈嗔小兒

強解事故索苦李餐一旬半雷雨泥溘相牽

攀既無禦雨

一作溼

備徑滑衣又寒有時經

一作

最契闊竟日數里間野果充糗糧卑枝成屋

椽早行石上冰暮宿天邊烟少留周

一作固一作同

家窪欲出蘆子闕故人有孫宰高義薄曾雲

延客已曛黑張燈啟重門煖湯濯我足剪紙

招我魂從此出妻孥相視涕闌干眾雛爛熳
睡喚起沾盤飧誓將與夫子永結爲弟昆遂
空所坐堂安居奉我懽誰肯艱難際豁達露
心肝別來歲月周羯胡仍構患何當有翅翎
飛去墮爾前

北征

歸至鳳翔墨制
故往鄜州作

皇帝二載秋閏八月初吉杜子將北征蒼茫
問家室維時遭艱虞一作危朝野少暇日顧慙

恩私被詔許歸蓬華拜奉

一作

辭詣闕下

一云閭門

怵惕久未出雖乏諫諍姿恐君有遺失君誠

中興主經緯固密勿東胡反未已臣甫憤所

切揮涕戀行在道途

一作路

猶恍惚乾坤含

陳浩

然本

作合瘡痍憂虞何時畢靡靡踰阡陌人烟渺

蕭瑟

一作索

所遇多被傷呻吟更流血迴首鳳

翔縣旌旗晚明滅前登寒山重屢得飲馬窟

邠郊入地底涇水中蕩瀆猛虎立我前蒼崖

吼時裂菊垂今秋花石戴一作帶古車轍青

雲動高興幽事亦可悅山果多瑣細羅生雜

橡栗或紅如丹砂或黑如點漆雨露之所濡

甘苦一作酸齊結實緬一作縹思桃源內益歎身

世拙坡陀望鄜時巖谷一作巖互出沒我行已

水濱我僕猶木末鷓鴣一作梟鳴黃桑野鼠拱

亂穴夜深一作中經戰場寒月照白骨潼關百

萬師往者散一作敗何卒遂令半秦民殘害為

異物況我墮一作隨胡塵及歸盡華髮經年至

茆屋妻子衣百結慟哭松聲迴一作迴悲泉共

幽一作鳴咽平生所嬌兒顏色白勝雪見耶背

面啼垢膩脚不襪床前兩小女補綻才一作纒

過鄰海圖折波濤舊繡移曲折天吳及紫鳳

顛倒在裋一作短褐老夫情懷惡嘔泄一作咽臥

數日一作云數日郝無一作能囊中帛救汝寒凜

慄粉黛亦解苞衾裯稍羅列瘦妻面復光癡

女頭自櫛學母無不爲曉粧隨手抹移時施
朱鉛狼藉畫眉闊生還對童稚似欲忘飢渴
問事競挽鬚誰能即嗔喝翻思在賊愁甘受
雜亂眩新歸且慰意生理馬得說一作至尊
尚蒙塵幾日休練卒仰觀一作看天色改坐一作
苟覺祆氣一作氣豁陰風西北來慘澹隨回鶻
胡一作統其王願助順其俗善一作喜馳突送兵五
千人驅馬一萬匹此輩少爲貴四方服勇決

所用皆鷹騰破敵過一作如箭疾聖心頗虛佇

時議氣欲奪伊洛指掌收西京不足拔官軍

請深入蓄銳何一作可陳浩然本作何俱發此舉開青

徐旋瞻略恆碣昊天積霜露正氣有肅殺禍

轉亡胡歲勢成擒胡月胡命其能久皇綱未

宜絕憶昨狼狽初事與古先別姦臣竟殖醢

同惡隨蕩析不聞夏殷當作周衰中自誅褒妲

周漢獲再興宣光果明哲桓桓陳將軍仗鉞

奮忠烈微爾人盡非于今國猶活淒涼大同
殿寂寞白獸闈都人望翠華佳氣向金闕園
陵固有神埽灑數不缺煌煌太宗業樹立甚
宏達

得舍弟消息

風吹紫荆樹色與春庭暮花落辭故枝風迴
返無處骨肉恩書重漂泊難相遇猶有淚成
河經天復東注

徒步歸行

贈李特進自鳳翔赴
鄜州途經邠州作

明公壯年值時危
經濟實藉英雄姿
國之社稷今若是
武定禍亂非公誰
鳳翔千官且飽飯
衣馬不復能輕肥
青袍朝士最困者
白頭拾遺徒步歸
人生交契無老少
論交一作心何必先
同調妻子山中哭
向天須公櫪上追風

驃

玉華宮

人盡非千古國離宮對大

溪迴一作迴松風長蒼鼠竄古瓦不知何王殿

遺構絕壁下陰房鬼火青壞道哀湍瀉萬籟

真笙竽一作竽秋色一作氣正一作極蕭灑美人

為黃土沉乃粉黛假當時侍金輿故物獨石

馬憂來藉草坐浩歌淚盈把冉冉征途間誰

是長年者

九成宮

蒼山入百里崖斷如杵白曾宮憑風迴一作迴

岌業土囊口立神扶棟梁一作鑿翠開戶牖

其陽產靈芝其陰宿牛斗紛披一作長松倒

一作揭巖怪石走哀猿啼一聲客淚迸林藪

荒哉隋家帝製此今頽朽向使國不亡焉為

巨唐有雖無新增修尚置官居守巡非瑤水

遠跡是雕牆後我行一作屬時危仰望嗟歎

久天王守晉晁並作狩太白駐馬更搔一作首

羌村三首

崢嶸赤雲西日脚下平地柴門鳥雀噪歸客

一云
客子

千里至妻孥怪我在驚定

一作走

還拭淚

世亂遭飄蕩生還偶然遂鄰人滿牆頭感歎
亦歔歔夜闌更秉燭相對如夢寐

晚歲迫偷生還家少歡趣嬌兒不離鄰畏我
復却去憶昔好多一作多追涼故繞池邊樹蕭蕭

北風勁撫事煎百慮賴知禾黍

一作黍

收一作黍稌

已覺糟牀注如今足斟酌且用慰遲暮

羣鷄正

一作忽

亂叫客至鷄鬪爭

正云

驅鷄上

樹木始聞扣柴荆父老四五人問我久遠行

手中各有攜傾榼濁復清苦

一作莫

辭酒味薄

黍地無人耕兵革既未息兒童

一作郎

盡東征

請為父老歌艱難媿深

一作餘

情歌罷仰天歎

四座淚縱橫

偏仄行贈畢曜

一作

云 偃偃行篇中字亦作偃偃英華作贈畢四

畢曜表曜西日嗚不平此棗門為雀梁融容

偏仄何偏仄我居巷南子巷北可恨鄰里間
十日不一見顏色自從官馬送還官行路難
行澀如棘我貧無乘非無足昔者相過今不
得實不是一作未敢愛微軀一云相訪又非關足無

力徒步翻愁官長怒此心炯炯君應識曉來
急雨春風顛睡美不聞鐘鼓傳東家蹇驢許
借我泥滑不敢騎朝天已令請急會通籍云一

已令把牒
還請假

男兒信一作性

命絕可憐馬能終日

心拳拳憶君誦詩神凜然辛夷始花亦一作

已落況我與子非壯年街頭酒價常苦貴方

外酒徒稀醉眠速宜徑一作須相就飲一斗恰有

三百青銅錢

送李校書二十六韻

代北有豪鷹生子毛盡赤渥洼騏驎兒一作種

尤異是龍一作虎脊李舟名父子清峻流一作時

輩伯人間好少一作妙年不必須白哲十五富

文史十八足賓客十九授校書二十聲輝一作

輝樊作烜

赫眾中每一見使我潛動魄自恐二男

兒辛勤養無益乾元元一作

二

年春萬姓始安

宅舟也衣綵衣告我欲遠適倚門固有望斂

衽就行役南登吟白華已見楚山碧藹藹咸

陽都冠蓋日雲

一作已

積何時太夫人堂上會

親戚汝翁草明先天子正前席歸期豈爛漫

別意終感激顧我蓬屋姿謬通金閨一作

門籍

小來習性懶晚節一作歲慵轉劇每愁悔吝作

如覺天地窄羨君齒髮新行已能夕惕臨歧

意頗切對酒不能啣迴身視綠野慘澹如荒

澤老鴈春忍陳作忍春饑哀號待枯麥時哉高飛

鷺絢練新羽翮長雲溼袞斜漢水饒巨石無

令軒車遲衰疾悲夙昔

洗兵馬收京後作

中興諸將收山東捷書日荆作夜又作夕報清晝同

河廣傳聞一葦過胡危命在破竹中祇殘鄴
城不日得獨任朔方無限功京師皆騎汗血
馬回紇餒肉葡萄宮已喜皇威清海岱常思
仙仗過崆峒三年笛裏關山月萬國兵前草
木風成王功大心轉小郭相謀深一作謀猶
一作深謀
古來少司徒清鑒懸明鏡尚書氣與秋天杳
二三豪俊爲時出整頓乾坤濟時了東走無
復憶鱸魚南飛覺有安巢鳥青春復隨冠冕

入紫禁吳本正耐烟花繞鶴禁通霄鳳輦備

雞鳴問寢龍樓一作地曉攀龍附鳳勢一作世莫

當天下盡化為侯王汝等豈知蒙一作象帝力

時來不得誇身強關中既留蕭丞相幕下復

用張子房張公一生江海客身長九尺鬚眉

蒼徵起適遇風雲會扶顛始知籌策良青袍

白馬更何有後漢今周喜再昌寸地尺天皆

入貢奇祥異瑞爭來送不知何國致白環復

道諸山得銀甕隱士休歌紫芝曲詞人解西溪

叢語善本撰河清清河云頌田家望望惜雨乾布

穀處處催春種淇上健兒歸莫嬾城南思婦

愁多夢安得壯士挽天河淨洗甲兵長不用

畱花門

北門一作北方一作花門天驕子飽肉氣勇決高秋馬

肥健挾矢射漢月自古以為患詩人厭薄伐

修德使其來羈縻固不絕胡為傾國至出入

暗金闕中原有驅除隱忍用此物公主歌黃

鵠君王指白日連雲屯左輔百里見積雪長

戟鳥休飛哀笳曙一作曉幽咽田家最恐懼麥

倒桑枝折沙苑臨清渭泉香草豐潔渡河不

用船千騎常撒烈一云滅沒正胡塵踰太行

雜種抵京室花門既須留原野轉蕭瑟

病後遇一作過王倚飲贈歌

麟角一作鱗魚鳳觜世莫識一作辨煎膠續弦奇自

見尚看王生抱此懷在于甫也何由羨且遇

王生慰疇昔素知賤子甘貧賤酷見凍一作陳

餒不足恥多病沈年苦無健王生怪我顏色

惡答云伏枕艱難徧瘡癩三秋孰可忍寒熱

百日相交戰頭白眼暗坐有胝肉黃皮皴命

如綫惟生哀我未平復為我力致美肴膳遣

人向市賒香粳喚婦出房親自饌長安冬殖

酸且綠金城土酥靜如練兼求富豪一作畜

畜且割鮮密沽斗酒諧終宴故人情義一作味

晚誰似令我手脚輕欲漩一作旋老馬為駒信

一作總不虛當時得意況深眷但使殘年飽喫

飯只願無事常相見

湖城東遇孟雲卿復歸劉顥宅宿宴飲

散因為醉歌蔡本題上有冬末以事之東都七字

疾風吹塵暗河縣行子隔手不相見湖城城

南一作東一開眼駐馬偶識雲卿面向非劉顥

爲地主嬾迴鞭轡成高

城一作南

宴劉侯歎

一作歡

我攜客來置酒張燈促華饌且將款曲終今

夕

一云經今冬

休語

一作話

艱難尚酣戰照室紅爐

促曙光

英華作簇曙花

縈窗素月垂文

一作秋

練天開

地裂長安陌

一作春

寒盡春生

一作紫陌春寒

洛陽殿

豈知驅車復同軌可惜刻漏隨更箭人生會

合不可常庭樹雞鳴淚如綫

一作霰云

閱鄉姜七少府設鱸戲贈長歌

姜侯設鱠當嚴冬昨日今日皆天風河凍未

漁

一云取魚一云黃河美魚一云黃河味魚

不易得鑿冰

恐侵河伯宮饗人受魚鮫人手洗魚磨刀魚

眼紅無聲細下飛碎素

一作素

雪有骨已剝背

平聲

春葱偏勸腹腴愧年少軟炊香飯

一作粳

緣老

翁落碁何曾白紙溼放筋未覺金盤空新歡

便飽姜侯德清觴異味情屢極東歸貪

一作貪

路自覺難欲別上馬身無力可憐爲人好心

事於我見子真顏色不恨我衰子貴時
悵望且爲今相憶

戲贈閩鄉秦少公

陳浩然本作翁
草堂作少府

短歌

去年行宮當

守一作

太白朝迴君是同舍客同

心不減骨肉親每語見許文章伯今日時清
兩京道相逢苦覺人情好昨夜邀歡樂更無
多才依舊能潦倒

李鄴縣丈人胡馬行

丈人駿馬名胡騮前年避胡賊一作過金牛迴

鞭却走見天子朝飲漢水暮靈州自矜胡騮

奇絕代乘出千人萬人愛一聞說盡急難材

轉益愁向駑駘輩頭上銳耳批秋竹脚下高

蹄削寒玉始知神龍別有種不比俗一作馬

空多肉洛陽大道時再清累日喜得俱東行

鳳臆龍髻一作龍麟一作麟髻未易識側身注目

長風生

見七真傳身不助亦憂亡貴和則

義鵑宋刻諸本皆曰義鵑行惟吳若本無行字

陰崖有蒼一作鷹養子黑柏顛白蛇登其巢

吞噬一作恣資一作朝餐雄飛遠求食雌者鳴

辛酸力强不可制黃口無一作半存其父從

西歸一作翻身入長烟斯須領健鵑痛憤云一

憤愆憤一寄所宣斗上挨孤影噉哮一云來九無聲

天修鱗脫遠枝巨顛折老拳高空得蹭蹬短

茂一作草辭蜿蜒折尾能一掉一作飽腸皆一作

今已一作以一云已皆穿生雖滅眾雖死亦垂千年

物情有報復快意貴目前茲實驚鳥最急難

心炯一作皎然功成失所往一作在用捨何其賢

近經滴水湄此事樵夫一作人傳飄蕭覺素髮

凜欲一作烈衝儒冠人生許與一作計分只在

亦云存顧盼間聊為義鷗行用一作永激壯士肝

畫鷗行一作畫雕

高堂見生一作老鷗颯爽動秋骨初驚無拘攣

卷一一作何得立突兀乃知畫師妙功巧一作刮造

化窟寫作此一作神俊姿充君眼中物烏鵲滿

樛枝軒然恐其出側腦看青霄宣為眾禽沒

長翮如刀劍人寰可超越乾坤空崢嶸粉墨

且蕭瑟緬思一作雲沙際自有烟霧質吾今

意何傷顧步獨紆鬱

瘦馬行英華作老馬

東郊瘦一作馬使我傷骨骼一作砗兀如堵

牆絆之欲動轉欹側此豈有意仍騰驤細看

六一作非印帶官字衆道三一作官軍遺路荀皮

乾剝落雜一作盡泥滓毛暗蕭條連雪霜去歲

奔波逐餘寇驕不慣不得將士卒多騎內

廢馬惆悵恐是病乘黃當時歷塊誤一蹶委

棄非汝能一作難周防見人慘澹若哀訴失主

錯莫無晶光天寒遠放鴈為伴一作侶日暮不

未一作收烏啄瘡一作云不衣誰家且養願終惠

更試明年春草長

新安吏

收京後作雖收
兩京賊猶充斥

客行新安道喧呼聞點兵借問新安吏縣小

更無丁府帖

符一作

昨夜

日一作

下次選中男行

中男絕短小何以守王城肥男有母送瘦男

獨伶俜白水暮東流青山猶

一作

哭聲莫自

使眼枯收汝淚縱橫眼枯即

一作

見骨天地

終無情我軍取

一作

相州日夕望其平豈意

賊難料歸軍星散營就糧近故壘練卒依舊

京掘壕不到水牧一作看馬役亦輕况乃王師

順撫養甚分明送行勿泣血一作垂泣僕射如父

兄

潼關吏

士卒何草草築城潼關道大城鐵不如小城

萬丈餘借問潼關吏修關一作築城還備胡要我

下馬行爲我指山隅連雲列戰格飛鳥不能

踰胡來但自守豈復憂西都丈一作大人視要

處窄一作穿狹容單車艱難奮長戟萬吳本千古

用一夫哀哉桃林戰百萬化為魚請囑防關

將慎勿一作莫學哥舒

石壕吏

暮投石壕村有吏夜捉人老翁踰牆走老婦

出門看蘇潤公本作老婦出看門吏呼一何怒婦啼一何

苦聽婦前致詞三男鄴城戍一男附書至一作

到二男新戰死存一作者且一作偷生死者

長已矣室中更無人惟文粹作所有乳下孫有孫

母未去陳浩然本作出入一作無完裙一云孫母

未便出見老嫗力雖衰請從吏夜歸急應河

陽役猶得備晨炊夜久語聲絕如聞泣幽咽

天明登前途獨與老翁別

新婚別

兔絲附蓬麻引蔓故一作不長嫁女與征夫

不如棄路旁結髮為妻子樊作子妻席不煖君床

暮婚晨告別無乃太匆忙君行雖一作既不遠

守邊赴一作戍河陽妾身未分明何以拜姑嫜

父母養我時日夜草堂本作月夜令我藏生女有所

歸雞狗一作犬亦得將君今往死地陳浩然本君今死生

地草堂本君生往死地沈痛迫中腸誓欲隨君去一作往

形勢反蒼黃勿為一作改新婚念努力事戎行

婦人在軍中兵氣恐不揚自嗟貧家女久致

羅襦裳羅襦不復施對君洗紅妝仰視百鳥

飛大小必雙翔人事一作生多錯迕與君永相

望

垂老別

四郊未寧靜垂老一作死不得安子孫陣亡盡

馬用身獨完投杖出門去同行為辛酸幸有

牙齒存一作好所悲骨髓一作肉乾男兒既介冑

長揖別上官老妻臥路啼歲暮衣裳單孰知

是死別且復傷其寒此去必不歸還聞勸加

餐土門壁甚堅杏園度亦難勢異鄴城下縱

死時猶晉作獨寬人生有離合豈擇衰老一作盛

端憶昔少壯日遲迴竟長歎萬國盡征戍云一

東烽火被岡巒積屍草木腥流血川原丹何

鄉為樂土安敢尚盤桓棄絕蓬室居塌然摧

肺肝

無家別

寂寞天寶後園廬但蒿藜我里百萬一作餘家

世亂各東西存者無消息死者爲委一作塵泥

賤子因陣敗歸來尋舊一作蹊久行見空巷

一作室日瘦氣慘悽但對狐與狸豎毛怒我啼

四鄰何所有一二老寡妻宿鳥戀本枝安辭

且窮棲方春獨荷鋤日暮還灌畦縣吏知我

至召令習鼓鞞雖從本州役內顧無所攜近

行止一身遠去終轉迷家鄉既盪盡遠近理

亦齊永痛長病母五年委溝谿生我不得力
終身兩酸嘶人生無家別何以爲蒸黎

夏日歎

夏日出東北陵天經晉作經中街朱光徹厚

地鬱蒸何由開上蒼久無雷無乃號令乖雨

降不濡物良田起黃埃飛鳥苦熱死池魚涸

其泥萬人尚流冗舉目唯蒿萊至今大河北

化一作盡作虎與豺浩蕩想幽薊王師安在哉

對食不能餐我心殊未諧
眇然貞觀初難與
數子偕

夏夜歎

永日不可暮炎蒸毒我中
一作腸安得萬里風

飄飄吹我裳昊天出華月
茂林延疎光仲夏

苦夜短開軒納微涼
虛明見纖毫羽蟲亦飛

揚物情無巨細自適固其常
念彼荷戈士窮

年守邊疆何由一洗濯
執熱互相望竟夕擊

刁斗喧聲連萬方青紫雖被體不如早還鄉
北城悲笳發鶴鶴號且翔況復一作懷煩促倦
激烈思時康

早秋苦熱堆案相仍時任華州司功

七月六日苦炎蒸熱對食暫餐還不能每

一作常愁夜中一作來自足蝎一作仍乃秋後轉

一作復多蠅束帶發狂欲大叫簿書何急來相

仍南望青松架短絕一作能壑安得一作能赤脚踏

層冰

立秋後題

日月不相饒節序昨夜隔元蟬無停號秋燕
已如客平生獨往願惆悵年半百罷官亦由
人何事拘形役

杜工部集卷之二

杜工部集卷之三目錄

古詩七十八首

貽阮隱居

遣興三首

昔遊

幽人

佳人

赤谷西崦人家

西枝村尋置草堂地夜宿贊公土室二

首

寄贊上人

太平寺泉眼

夢李白二首

有懷鄭十八司戶

遣興五首

遣興五首

三目錄

遣興五首

前出塞九首

後出塞五首

別贊上人

萬丈潭

兩當縣吳十侍御江上宅

發秦州

赤谷

鐵堂峽

鹽井

寒硤

縣是十餘嶺之土字

法鏡寺

青陽峽

龍門鎮

正首

石龕

悉此首

積草嶺

泥功山

鳳凰臺

乾元中寓居同谷縣作歌七首

發同谷縣

木皮嶺

白沙渡

水會渡

飛仙閣

五盤閣

龍門閣

石櫃閣

桔柏渡

劍門谷

鹿頭山同谷縣北

成都府

杜工部集卷之三目錄終

杜工部集卷之三

古詩七十八首

寓秦州及同谷縣行赴蜀中作

貽阮隱居

昉

陳畱風俗衰人物世不數塞上得阮生迴繼

先父祖貧知靜者性自晉作益毛髮古車馬

入隣家蓬蒿翳環堵清詩近道要識子一作

用心苦尋我草徑微褰裳踏寒雨更議居遠

村避喧甘猛虎足明箕穎客榮貴如糞土

林樾遣興三首

下馬古戰場四顧但茫然風悲浮雲去黃葉

墜一作墮我前朽骨穴螻蟻又爲蔓草纏故老

行歎息今人尚開邊漢虜互勝負樊作失約封疆

不常全安得廉恥頗一作將三軍同晏眠

高秋登塞寒一作山南望馬邑州降虜東擊胡

壯健盡不畱穹廬莽牢落上有行雲愁老弱

哭道路願聞甲兵休鄴中事反覆一云何死

人積如邱諸將已茅土載驅誰與謀

豐年孰

一云亦云既

云遲甘澤不在早耕田秋雨

足禾黍已映道春苗九月交顏色同日老勸

汝衡門士勿悲尚枯槁時來展材力先後無

醜好但訝鹿皮翁忘機對芳荒一作草

昔遊

昔謁華蓋君深求洞宮脚

陳作綠袍崑玉脚

玉陳作人

棺已上天白日亦寂

冥一作寞暮昇艮岑

晉作峰

頂巾几猶未却弟子四五人入來淚俱落余

時遊名山發軔在遠壑良覲違夙願含淒晉作

悽向寥廓林昏罷幽磬竟夜伏石閣王喬下

天壇微月映皓鶴晨溪嚮虛駛歸徑行已昨

豈辭青鞵胝悵望一云悵金匕藥東蒙赴舊隱

尚憶同志樂休一作伏事董先生于今獨蕭索

胡為客關塞道意久衰薄妻子亦何人丹砂

負前諾雖悲鬢髮變一云鬚髮變未憂筋力弱扶

杖一作藜望清秋有興入廬霍

幽人

孤雲亦羣遊神物有所歸麟一作靈鳳在赤霄

何當一作嘗一來儀往與惠荀一作詢輩中年滄

洲期天高無消息棄我忽若遺內懼非道流

幽人見一作在瑕疵洪濤隱語笑一作笑語鼓柂蓬

萊池崔嵬扶桑日照曜珊瑚枝風帆倚翠蓋

巖一作暮把東皇衣嚙嗽元和津所思烟霞一作

霧微知名未足稱局促商山芝五湖復浩蕩
歲暮有餘悲

佳人

絕代有佳人幽居在空山

一作山

谷自云良家子

零落依草木關中昔喪敗

一作亂

兄弟遭殺戮

官高何足論不得收骨肉世情惡衰歇萬事

隨轉燭夫壻輕薄兒新人已

一作美

如玉合昏

尚知時鴛鴦不獨宿但見新人笑那聞舊人

哭在山泉水清出山泉水濁侍婢賣珠回牽

蘿補茅屋摘花不插髮一作髻采柏動盈掬一作鬢

一作握天寒翠袖薄日暮倚修竹

赤谷西崦人家

躋險不自喧一作安出郊已清目溪迴日氣

暖逕轉山田熟鳥雀依茅茨藩籬帶松菊如

行武陵暮欲問桃花一作源宿

西枝村尋置草堂地宿贊公土室二首

出郭眇細岑披榛得微路溪行一流水曲折

方屢渡贊公湯休徒好靜心迹素昨枉霞上

作盛論岩中趣怡然共攜手恣意同遠步捫

蘿澀先登陟巘眩反顧要求陽岡煖苦陟晉作

步陰嶺洵惆悵老大藤沈吟屈蟠樹卜居意

未展杖策迴且暮層巔一作天餘落日草蔓已

多露一作

天寒鳥已歸月出人晉作更一作已靜土室延

白光松門耿疎影躋攀倦日短語樂寄夜永
明燃林中薪暗汲石底泉一作井大師京國舊
德業天機秉從來支許遊興趣江湖迴數奇
謫關塞道廣存箕穎何知戎馬間復接塵事
屏幽尋豈一路遠色有諸嶺晨光稍矇矓更
越西南頂

寄贊上人

一昨陪錫杖卜隣南山幽年侵腰脚衰未便

陰崖秋重岡北面起竟日陽光留茅屋買

一作

置兼土斯馬心所求近聞西枝西有谷杉黍

一作漆

稠亭午頗和暖石

一作沙

田又足收當期

塞

一作寒

雨乾宿昔齒疾瘳徘徊虎穴上面勢

龍泓頭柴荆具茶茗逕

一作遙

路通林邱與子

成二老來往亦風流

太平寺泉眼

招提憑高岡疎散連草莽出泉枯柳根汲引

歲月古石間

一作門

見海眼天畔縈水府廣深

丈尺間宴息敢輕侮青白二小虵幽姿可時

覩如絲氣或上爛熳爲雲雨山頭到山下鑿

井不盡土取供十方僧香美勝牛乳北風起

寒文弱藻舒

一作勝

翠縷明涵客衣淨細蕩林

影趣何當宅下流餘潤通藥圃三春溼黃精

一食生毛羽

夢李白二首

死別已吞聲生別常惻惻江南瘴癘地逐一作

遠客無消息故人入我夢明我長相憶恐非

平生魂路遠一作迷不可測魂來楓葉林一作青

魂一作夢返關塞黑君今在羅網何以一作似有

羽翼落月滿屋梁猶疑照見樊作顏色水深波

浪濶無使蛟龍得

浮雲終日行遊子久不至三夜頻夢君情親

見君意告歸常局促苦道來不易江湖多風

波多一風云秋舟楫恐失墜出門搔白首若一作苦

負平生志冠蓋滿京華斯人獨顛頓孰云網

恢恢將老身一作才反累千秋萬歲名寂寞身

後事

有懷台州鄭十八司戶虔

天台隔三江江一云海風浪無晨暮鄭公縱得歸

老病不識路昔如水晉一作江上鷗今如樊一作爲

冪中免性命由他人悲辛但狂顧山鬼獨一

脚蝮蛇長如樹呼號傍孤城歲月誰與度從

來禦魑魅多為一作才名悞夫子嵇阮流更

被晉作遭時俗惡海隅微小吏眼暗髮垂素黃

帽映一云鳩青袍非供折腰具平生一杯酒

見我故人遇相望無所成乾坤莽迴互

遣興五首

蟄龍三冬臥老鶴萬里心昔時賢俊人未遇

猶視今嵇康不得死一云且孔明有知音又

如壠底

草堂作壠坻

松用捨在所尋大哉霜雪幹

歲久為枯林

昔者

一作在昔

龐德公未曾入州府襄陽耆舊間

處士節獨

一作猶

苦豈無濟時策

一作術

終竟畏

羅罟

一作終歲畏罪罟

林茂鳥有歸水深魚知聚舉

家依

一作隱

鹿門劉表焉得取

我今日夜憂諸弟各異方不知死與生何況

道路長避寇一分散饑寒永相望豈無柴門

歸一作歸

欲出畏虎狼仰看雲中鴈禽鳥亦有

行

蓬生非無根漂蕩隨高風天寒落萬里不復

歸本叢客子念故宅三年門巷空悵望但烽

火戎車滿關東生涯能幾何常在羈旅中

昔在洛陽時親友相追攀送客東郊道遨遊

宿南山烟塵阻長河樹羽成皋間回首載酒

地豈無一日還丈夫貴壯健慘戚非朱顏

送香遣興五首去衣野觀山岡

朔風飄胡鴈慘澹帶砂礫長林何蕭蕭秋草
萋更碧北里富薰天高樓夜吹笛馬知南隣
客九月猶絺綌

長陵銳頭兒出獵待明發駢一作解弓金爪鐔

白馬蹴微雪未知所馳逐但見暮光滅歸來
懸兩狼門戶有旌節

漆有用而割膏以明自煎蘭摧白露下桂折

秋風前府中羅舊尹沙道尚依然赫赫蕭京
兆今爲時所憐

猛虎憑其威往往遭急縛雷吼徒咆哮枝撐
已在脚忽看皮寢處無復睛閃爍人有甚于

斯足以勸一作戒元惡

朝逢一作逆富家葬前後皆見一作輝光共指親

戚大總麻百夫行送者各有死不須羨其強

君看束練一作縛去亦得歸山岡

遣興五首

天用莫如龍有時繫扶桑頓轡海徒涌神人
身更長性命苟不存英雄徒自強吞聲勿復
道真宰意茫茫

地用莫如馬無良復誰記此日千里鳴追風
可君意君看渥洼種態與駑駘異不雜一作
蹄齧間逍遙有能事

陶潛避俗翁未必能達道觀其著詩集頗亦

恨枯槁達生豈是足默識蓋不早有子賢與
愚何其挂懷抱

賀公雅吳語在位常清狂上疏乞骸骨黃冠
歸故鄉爽氣不可致斯人今則亡山陰一茅

宇江

淮一作

海日淒涼

吾憐孟浩然短褐即長夜賦詩何必多往往

凌鮑謝清江空舊魚

一作

舊魚美魚

春雨餘甘

蔗每望東南雲令人幾悲吒

前出塞九首

戚戚去故里悠悠赴交河
公家有程期亡命嬰禍羅
君已富土壤開邊一何多
棄絕父母恩吞聲行負戈

出門日已遠不受徒旅欺
骨肉恩豈斷男兒死無時
走馬脫轡頭手中挑青絲
捷下萬仞一作岡俯身試搴旗

磨刀鳴咽一作水水赤刃傷手
欲輕腸斷聲

心緒亂已久丈夫誓許國憤惋復何有功名
圖騏驎戰骨當速朽

送徒既有長遠戍亦有身生死向前去不勞
吏怒嗔路逢相識人附書與六親哀哉兩決
絕不復同一作苦辛

迢迢萬餘里領我赴三軍軍中異苦樂主將
寧盡聞隔河見胡騎倏忽數百羣我始爲奴
僕幾時樹功勳

挽弓當挽強用箭當用長射人先射馬擒賊
先擒王殺人亦有限列一作立國自有疆苟能
制侵陵豈在多殺傷

驅馬天雨雪軍行人高山逕危抱寒石指落
曾冰間已去漢月遠何時築城還浮雲暮南
征可望不可攀

單于寇我壘百里風塵昏雄劍四五動彼軍
爲我奔虜其名王歸繫頸授轅門潛身備行

列一勝何足論

從軍十年餘能無分寸功衆人貴苟得欲語
羞雷同中原有鬪爭況在狄與戎丈夫四方

志安可辭固一作困窮

後出塞五首

男兒生世間及壯當封侯戰伐有功業焉能
守舊邱召募赴薊門軍動不可留千金買馬
鞭一作鞍百金裝刀頭閭里送我行親戚擁道

周斑白居易上列酒酣進庶羞少年別有贈含
笑看吳鉤

朝進東門營

一作營門

暮上河陽橋落日照大旗

馬鳴風蕭蕭平沙列萬幕部伍各見招中天
懸明月令嚴夜寂寥悲笳數聲動壯士慘不
驕借問大將誰恐是霍嫖姚

古人重守邊今人

一作日

重高勲豈知英雄主

出師

英華作直

長雲六合已一家四夸且孤軍

遂使貌

樊作
螭

虎一作武

士奮身勇所聞拔劍擊

大荒日收胡馬羣誓開元冥北持以奉吾君

獻凱日繼踵兩蕃靜無虞漁陽豪俠地擊鼓

吹笙竽雲帆轉遼海粳稻來東吳越羅與楚

練照耀輿臺軀主將位益崇氣驕凌上都邊

人不敢議議者死路衢

我本良家子出師亦多門將驕益愁思身貴

不足論躍馬二十年恐辜明主恩坐見幽州

騎長驅河洛昏中夜間道歸故里但空村惡
名幸脫免窮老無兒孫

別贊上人

百川日東流客去亦不息我生苦一作漂蕩

何時有終極贊公釋門老放逐來上國還爲

世塵嬰頗帶顛頽色楊枝晨在手豆子雨一作

兩已熟是身如浮雲安可限南北異縣逢舊

友一作交初忻寫胸臆天長關塞寒一作遠歲暮

饑凍一作寒逼野風吹征衣欲別向曛黑一作昏

馬嘶一作鳴思故櫪歸鳥盡斂翼古來聚散地

宿昔長荆棘相看俱衰年出處各努力

萬丈潭同谷縣作

青溪合趙鴻刻冥冥神物有顯晦龍依積水

蟠窟壓萬丈內跼步凌垠堦側身下烟靄前

臨洪濤寬却立蒼石大山危一徑盡崖一作岸

絕兩壁對削成根虛無倒影垂澹瀨趙作澗一作賴

黑如陳作爲黃作知灣潭底清見光炯碎孤雲方輿作峰

倒來深飛鳥不在外高蘿成帷一作帳幄寒木

累一作壘旌旆遠川曲通流嵌竇潛洩瀨造幽

無人境發興自我輩告歸遺恨多將老斯遊

最閉藏修鱗蟄出入巨石趙作爪礙何事趙作當

暑一作炎天過快意風雨一作雲會

兩當縣吳十侍御江上宅

寒城朝烟澹山谷落葉赤陰風千里來吹汝

江上宅鷓鴣號在渚日色傷阡陌借問持斧
翁幾年長沙客哀哀失木杙矯矯避弓翮亦
知故鄉樂未敢思宿昔昔在鳳翔都共通金

閨

一作門

籍天子猶蒙塵東郊暗長戟兵家忌

間諜此輩常接跡臺中領舉劾君必慎剖析
不忍殺無辜所以分白黑上官權許與失意
見遷斥仲尼甘旅人向子識損益朝廷非不
知閉口休歎息

樊本仲尼一聯
在朝廷一聯下

余時忝諍臣

丹陛實咫尺相看受狼狽至死難塞責行邁
心多違出門無與適於公負明義惆悵頭更
白

發秦州

乾元二年自秦州赴
同谷縣紀行十二首

我衰更嬾拙生事不自謀無食問樂土無衣
思南州漢源十月交天氣涼如秋草木未黃
落況聞山水一作東幽栗亭名更佳下有良田
疇克腸多薯蕷崖蜜亦易求密竹復冬笋清

池可方舟雖傷

一作云

旅寓遠庶遂平生遊此

邦俯要衝實恐人事稠應接非本性登臨未

銷憂谿谷無異石塞田始微收豈復慰老夫

一作大

惘

一作炯

然難久畱日色隱孤戍烏啼滿

城頭中宵驅車去飲馬寒塘流磊落星月高

蒼茫雲霧浮大哉乾坤內吾道長悠悠

赤谷

天寒霜雪繁遊子有所之豈但歲月暮重來

未有期

未一期云亦

晨發赤谷亭險艱

難一作

方自

茲亂石無改轍我車已載脂山深苦多風落

日童稚饑悄然村墟迴烟火何由追貧病轉

零落

飄零云

故鄉不可思常恐死道路永爲高

人嗷

鐵堂峽

山風吹遊子縹緲乘險絕硤形藏堂隍壁色

立積

精一作

鐵徑摩穹蒼蟠石與厚地裂修織

無垠

一作限

竹嵌空

一作孔

太始雪威遲哀壑底

徒旅慘不悅

一作徒懷
松柏悅

水寒長冰橫我馬骨

正折生涯抵弧矢盜賊殊未滅飄蓬踰三年

迴首肝肺熱

鹽井

鹵中草木白青者官鹽烟官作既有程煮鹽

烟在川汲井歲楫楫

草堂本云
當作楫楫

出車日連連

自公斗三百轉致斛六千君子慎止足小人

苦喧闐我何良歎嗟物理固自然一云亦固然

寒硤

行邁日悄悄山谷勢多端雲門轉絕岸積阻
霾天寒寒硤不可度我實一作貧衣裳單況當

仲冬交泝浴增波瀾野人尋烟語行子倚水
餐此生免荷爰未敢辭路難

法鏡寺

身危適他州勉強終勞苦神傷山行深愁破

崖寺古嬋娟碧鮮淨蕭撼寒穉聚回回河一作

山一作石根水冉冉松上雨洩雲蒙清晨初日

翳復吐朱蕘半光炯戶牖桀可數拄一作枉策

忘前期出蘿已亭午冥冥子規叫微徑不復

一作取敢一作取一作取一作取一作取

青陽峽

塞外苦厭山南行道登一云路彌惡岡巒相經亘

雲水氣參錯林迴硤角來天窄一作穿壁面削

磧西五里石奮怒向我落仰看日車側俯恐

坤軸弱魑魅嘯有

一作狂

風霜霰浩漠漠昨憶

一作憶昨踰隴坂高秋視吳岳東笑蓮華卑北知

崆峒薄超然伴壯觀已謂殷一作隱寥廓突兀

猶起人及茲歎一作谷冥冥

龍門鎮

細泉兼輕冰沮洳棧道溼不辭辛苦行一作

迫此短景急石門雪雲一作雷隘一作溢古鎮峰

木集卷之三
巒集旌竿暮慘澹風水白刃澀胡馬屯成臯
防虞此何及嗟爾遠戍人山寒夜中泣

石龕

熊羆咆我東虎豹號我西我後鬼長嘯我前
狨又啼天寒昏無日山遠道路迷驅車石龕

下仲冬見虹蜺伐竹木一作者誰子悲訶上
一作

抱雲梯爲官採美箭五歲供梁齊苦云直簞

筭一作盡無以充應提攜奈何漁陽騎颯颯

驚蒸黎

積草嶺

連峰積長陰白日遞隱見
颼颼林響交慘慘

石狀變山分一作外積草嶺路異明水縣旅泊

吾道窮一作東衰年歲時倦卜居尚百里休駕

投諸彥邑有佳主人情如已會面來書語絕

妙遠客驚深眷食蕨不願餘茅茨眼中見

泥功山

朝行青泥上暮在青泥中泥湫一作非一時

版築勞人功不畏道途一作永乃將一作云反

及汨沒同白馬為鐵驪小兒成老翁哀猿一作

猱透却墜死鹿力所窮寄語北來人後來莫

忽忽

鳳凰臺山峻不至高頂

亭亭鳳凰臺北對西康州西伯今寂寞鳳聲

亦悠悠山峻路絕蹤石林氣高浮安得萬丈

梯爲君上上頭恐有無母雛饑寒日啾啾云一

啾啾我能剖心出方輿勝覽飲啄慰孤愁心以

當竹實炯然無方輿外求血以當醴泉豈徒

比清流所重王者瑞敢辭微命休坐看綵翮

長一作舉舉一作縱意八極周自天銜瑞圖一作圖識

飛下十二樓圖以奉一作獻至尊鳳以垂鴻猷

再光中興業一洗蒼生憂深衷正方輿爲此

羣盜何淹畱

乾元中寓居同谷縣作歌七首

有客有客字子美白頭亂短一作髮垂過兩一作

耳歲拾橡栗隨狙公天寒日暮山谷裏中原

無書主一作歸不得手脚凍皴皮肉死嗚呼一

歌兮歌已獨一作哀悲風爲我從天東一作來

長鏡長鏡白木柄我生託子以爲命黃精一作

獨無苗山雪盛短衣數挽不掩脛此時與子

空一作歸來男呻女吟四壁靜嗚呼二歌兮

歌始放鄰

間一作

里爲我色惆悵

有弟有弟在遠方

一作各方

三人各瘦何人強

生別展轉不相見胡塵暗天道路長東飛鴛

鵝後鵝鶴安得送我置汝旁嗚呼三歌兮歌

三發汝歸何處收

一作取

兄骨

有妹有妹在鍾離良人早歿諸孤癡長淮浪

高蛟龍怒十年不見來何時

一作遲

扁舟欲往

箭滿眼杳杳南國多旌旗嗚呼四歌兮歌四

奏林猿

一作竹林浩然
本竹林猿

為我啼清晝

四山多風溪水急寒雨

一作風

颯颯枯樹

一作樹枝

溼黃蒿古城雲不開白

一作元

狐跳梁黃狐立

我生何為在窮谷中夜起坐萬感集嗚呼五

歌兮歌正長魂招不來歸故鄉

南有龍兮在山湫古木籠從枝相膠木葉黃

落龍正蟄蝮蛇東來水上遊我行怪此安

一作

寒敢出拔劍欲斬且復休嗚呼六歌兮歌思

遲

一云怨遲

溪壑爲我迴春姿

男兒生不成名身已老三

十一作

年饑走荒山

道長安卿相多少年富貴應須致身早山中

儒生舊相識但話宿昔傷懷抱嗚呼七歌兮

悄終曲仰視皇天白日速

發同谷縣

乾元二年十二月一日自隴右赴劍南紀行

賢有不黔突聖有不煖席況我饑愚人一作夫

焉能尚安宅始來茲山中休駕喜一作嘉地僻

奈何迫物累一歲四行役忡忡去絕境杳杳

更遠適停驂龍潭雲回首白虎一作崖石臨歧

別數子握手淚再滴交情無舊深一作雖無

作雖舊窮老多慘感平生嬾拙意偶值棲遁

跡去住與願違仰慚林間翮

木皮嶺

首路栗亭西尚想鳳皇村季冬攜童一作稚

辛苦赴蜀門南登木皮嶺艱險不易論汗流

被我體祈寒爲之暄遠岫一作爭輔佐千巖

自崩奔始知五岳外別一作有一作他山尊

仰干一作塞大明俯入裂厚坤再聞虎豹鬪

屢跼風水昏高有廢閣道摧折如短一作轅

下有冬青林石上走長根西崖特秀發煥若

靈芝繁潤聚金碧氣清無沙土痕憶觀崑崙

圖一作墟一作目擊元圃存對此欲何適默傷垂老

魂

白沙渡

畏途隨長江渡口下絕岸差池上舟楫杳窅
 入雲漢天寒荒野外日暮中流半我馬向北
 嘶山猿飲相喚水清石礚礚沙白灘漫漫迴
 脩一作然洗愁辛多病一疎散高壁抵欽峯一作

岑
 洪濤越凌亂臨風獨迴首攬轡復三歎

水會渡一云水

山行有常程中夜尚未安微月沒已久崖傾

路何難大江動

當一作

我前洵若溟渤寬篙師

暗理楫歌笑輕波瀾霜濃木石滑風急

烈一作

列作手足寒入舟已千憂陟巘仍萬盤迴

迴一作

眺

出一作

積水

石一作

外始知衆星乾遠遊令人

瘦衰疾慙加餐

飛仙閣

土

出一作

門山行窄微徑緣秋毫

上一作徑微

棧

雲闌干峻梯石結構牢萬壑欹疎林

一作積

積

陰帶奔濤寒日外淡泊長風中怒號歇鞍在
地底始覺所歷高往來雜坐臥人馬同疲勞
浮生有定分饑飽豈可逃歎息謂妻子我何

隨汝一作爾曹

五盤

五盤雖云險山色佳有餘仰凌棧道閣一云細

俯映江木疎地僻無網罟水清反多魚好鳥
不妄飛野人半巢居喜見淳朴俗坦然心神

舒東郊尚格鬪巨臣一作猾何時除故鄉有弟

妹流落隨邱墟成都萬事好在一作豈若歸吾

廬

龍門閣

清江下龍門絕壁無尺土長風駕高一作浪

浩浩自太古危途中縈盤一作縈仰望垂綫

縷滑石欹誰鑿浮梁裊相柱目眩隕雜花頭

風吹過雨飛一云過百年不敢料一墜那得取

飽聞一作知經瞿塘足見度大庾終身歷艱險
恐懼從此數

石櫃閣

季冬一作冬日已長山晚半天赤蜀道多早花

江間饒奇石石櫃曾波上臨虛蕩高壁清暉
回羣鷗暝色帶遠客羈棲負幽意感歎向絕
跡信甘孱懦嬰不獨凍餒迫優遊謝康樂放
浪陶彭澤吾衰未自安一作由謝爾性所一作有

適

桔柏渡

青冥寒江渡，駕竹爲長橋。竿溼烟竿一云竹溼漠

漠江永

水一作

風蕭蕭連竿動，嫋娜征衣颯飄。

飄急流，鶉鷁散絕岸。黿鼉驕西轅，自茲異東

逝不可要。高通荆門路，闊會滄海潮。孤光隱

顧眇遊子，悵寂寥無以洗。心胸前登，但山椒

劔門

惟天有設險劍門

一作閣

天下壯連山抱西南

石角皆北向兩崖崇墉倚刻畫城郭狀一夫

怒臨關

一作門

百萬未可傷

一作仰

珠玉

陳作玉帛

走

中原岷峨氣悽愴三皇五帝前鷄犬各相一作

自放後王尚柔遠職貢道已喪至今英雄人

高視見霸王并吞與割據極力不相讓吾將

罪真宰意欲鏟疊嶂恐此復偶然臨風默一作

黯惆悵

鹿頭山下高梁星尚舉
自古有麟

鹿頭何亭亭是日慰饑渴連山西南斷俯見

千里豁遊子出京華一作咸京劍門不可越及茲

險阻盡始喜原野闊殊方昔三分霸氣曾間

發天下今一家雲端失雙闕悠然想揚馬繼

起名碑兀有文一作木令人傷何處埋爾骨紆

餘脂膏地慘澹豪俠窟仗鉞非老臣宣風豈

專達冀公柱石姿論道邦國活斯人亦何幸

公鎮踰歲月僕射裴冀公寃

成都府

翳翳桑榆日照我征衣裳我行山川異忽在

天一方但逢新人民未卜見故鄉大江東流

去一作從東來遊子去日一作日月長曾城填華屋季

冬樹木蒼喧然名都會吹簫間一作奏笙簧信

美無與適側身望川梁鳥雀夜各歸中原杳

茫茫初月出不高衆星尚爭光自古有羈旅

我何苦哀傷

杜工部集卷之三